

職官志十六

湖北通志卷一百一十一

宦績傳六目錄

邱象升

朱璘

張芑

姚棻

明善

李芳

劉朝英

繡麟

程彬

鹿兆圖

卜陳彝

黃詠

林芳

劉貽孫

何開泰

林之華

龐穎

史湛

孫斗山

劉縻

黃昌輔

毛隆安

張圻隆

李清

趙景伯

王雲翔

楊清翰

張建基

張汝琛

孫守信

志一百一十一

職官十六 目錄

一

周文華

何廷韜

陳怡

賈漢誼

石如連

李五惇

金綿祖

盛治

周珙

陸昌齡

章朝偉

饒拱辰

夏獻謨

夏錫麒

王俟

高夢龍

椿齡

劉源湛

謝鏐

李先復

胡復初

龔在升

徐芝

邱俊孫

姚文烈

楊必達

郝巽

胡學成

趙玉

鍾謙鈞

唐之柏

裘行恕

張中孚

冀應熊

任弘祚

伍澤概



樊鍾英

趙德轍

張擢士

梁鳳翔

劉朝講

趙振清

李際春

韓體震

楊廷蘊

紀達宜

邵大業

韓維鏞

呂憲端

朱際敷

馬修藩

徐好善

楊士元

劉以潛

朱化隆

劉汝梅

禹殿鼇

李在田

丁德嘉

張寶榮

蕭蔭恩

梁照

陳五典

白秉貞

韓友

郭鳴鳳

宋犖

于成龍

王宗臣

李彥瑁

邱賜書

管樂

志百二十二

職官十六 目錄

二

方求鼎

吳之勳

徐上鏞

祁宿藻

金雲門

黃益杰

穆克登布

楊日昇

劉國寧

徐籀

董元俊

李經政

劉澤溥

暢于熊

王正常

蔣祖暄

郎錦駿

劉詒孫

薛元啓

葛致遠

沈啓龍

劉佑

劉象賢

許騰鶴

際亨

徐鼎

王潞

孫弘牲

屈振奇

湯應求

丁翊壽

黃家璲

汪敦仁

吳林

劉祝穀

李雨霑

呂鳴和

姚士基

沈廷楨

蕭世黃

蕭恆

張國柱

吳象寬

彭瑞澂

李之峻

李介白

許賡藻

李隆發

楊宗時

文齡

張定邦

方於光

王宗堯

李泌

曹維道

錢鋈

李鏐

李瑜

孫福海

王名世

姜天棟

鍾謙亨

劉臨

李世德

蕭龔

高人傑

丁鈴

王鵬南

黃照

李成林

歐陽旭

李珣

王鴻典

志百二十三

職官十六 目錄

三

曾麟開

吳鼎

張維屏

覃瀚元

史維基

高翽

洪吉臣

戴秉鉞

傅維杞

程師爽

賈鍾琪

保成

張若本

羅暹春

茹敦和

毛秉剛

李大年

周炳鑑

黃式度

馬見龍

萬成

吳宗孟

彭祖曙

汪攀高

白彥良

葉居仁

蔡振中

周士章

魏定國

李紘

章光晉

紀昌期

李鴻雷

劉霽

盧崇義

黃鎮

翟枚吉

韓養純

任啓元

張銷

李龍中

馬逢皋

王興元

楊綠綬

楊和

敦復

邢高魁

同勳

桂蔭

佟養沖

白昆玉

許維楫

龔朝僕

許光曙

汪武揚

侯康民

李馨

王尊三

曾鳳舉

陳祖心

韓國璽

王又旦

朱軾

陳天澤

耿醇玉

龔煥枝

甯鳴玉

李飛雲

馬士偉

匡文炅

羅經

王澍

志百二十二

職官十六目錄

四

徐暢達

冀如錫

陳賡泰

文義祥

尹會一

那禪

江登雲

方懋祿

王鑑

鄭敦允

王札

崔瑤

王翼孫

錢允濟

竇欲峻

方大湜

柯聳

劉嗣煦

劉首揆

王文楨

胡永慶

徐昱

馬尙德

唐士傑

湯家相

李樸

倪灝

潘綏藩

王良弼

潘聖俞

劉楷

謝王鷺

謝士庭

安慶瀾

佟國玉

黨居易

江闓

鄭偉

吳嗣仲

呂秉忠

王章炳

高士清

劉斌

李燦然

許文耀

宋瑾

武愛

朱綵

王朝彥

曾恆德

李天林

馬濟勝

孫應奉

崇善

李宗燾

定熙

金達

許有麟

田萃楨

鄭晃

盧上進

李承鑛

傅六吉

雷化龍

沈用將

董雱

賈玩理

魏相臣

黃詔

秦錫疇

謝泰

劉建勳

志百二十二

職官十六 目錄

五

陳豪

賈待聘

王銘琮

范繼昌

徐京陞

翁喬年

宗超海

夏廷樾

金玉堂

賀繩烈

薛載德

王養琇

岑映奎

馬垣

黃澄

孔繼楨

翁吉士

瑞存

梁懋齡

金國明

韓衍槐

張敦素

鍾韻遠

舒成龍

張琴

呂恂

蔣照

李楫

孫茂槐

李遙

鄒允颺

衛肅

汪雲銘

蔣遇春

董文煜

宋楷

紀煥廠

李葆樹

耿應張

金雲鳳

王燕徵

魏勳

陳廷策

邱天英

孫廷璧

張方理

陳均遠

唐際盛

恆琛

郭應卿

董鉅

何師軾

丁鳳梧

沙心培

雙穗

趙希階

孫鴻淦

鳳翔

王大年

鄧士燦

葉治

楊松磐

黃光彬

藺完瑄

李有倫

羅綬

楊有恆

徐文灼

王瀚

謝蘭

祕延瑞

田禹稼

志百二十二

職官十六 目錄

六

楊子果

朱啓鴻

屈超乘

韓乾元

石煦

汪維誠

馬廷贊

孔斯和

李進臣

楊國聲

馬之迅

嚴宏

袁純德

王春煦

烏爾卿額

謝登雋

金之忠

陳熙晉

姚震榮

曹立全

何學青

李惟清

曹熙衡

夏念祖

李忻

徐文達

蔣振萬

范炳監

胥遇

汪思蔚

朱宗騰

劉耀藜

劉璜

蔣希古

戴聖哲

王清遠

楊世銳

毛峻德

李林

方天葆

吳煥彩

黃德薰

徐尙謀

涂漢嘉

田三樂

李經芳

樊繼祖

譚光祥

王協夢

鹿驄豫

尹英圖

任海晏

多壽

陳案

曹芳祖

蘇于洛

鄭士楷

于執中

張冲

康又民

丁周

方策

王頌三

吳觀樂

李士高

王三錫

陳春波

吳人彥

劉珙徵

武怡

趙源生

楊兆杏

以上清守令

志百二十二

職官十六 目錄

周樂補

職官志十六

湖北通志卷一百二十二

宦績傳六

清下

邱象升字曙戒江南山陽人順治乙未進士康熙二年任武昌府通判通城民因徵逋聚噪象升單騎往諭開誠布公眾感悔輸納恐後在任督理捕務奸宄匿跡徵收南漕一除積弊湖廣志

朱璘字青巖上虞人康熙二十六年任武昌府同知署湖北驛鹽道夏逢龍叛劫璘與通判張芑至閱馬廠皆奮身罵賊賊索芑璘印璘厲聲曰頭可斷印不可得也賊怒欲殺之父老數百人號呼奔救乃分禁諸營絕其飲食已又遣使問之璘罵益厲逢龍歎曰好男子自是不復以威劫之璘乘守者懈與張芑及王相胡定海等謀得脫出走安慶入振武將軍營從征轉餉有功賊平擢南陽

志百二十二

職官十六傳

一

府知府

嘉慶志

張芑字雪岑桐城人監生康熙二十六年任武昌府通判攝府篆夏逢龍叛與朱璘同被拘已而跳走抵武穴錄狀上部請師剿賊會蘄州叛兵內訌芑與守備李醇討擒之駐道士泐扼賊東下從振武將軍克復黃州獲逢龍賊平擢工部員外郎一統志

姚棻字香茵桐城人乾隆辛巳進士由安陸府調武昌知府在任七年盜戢民安京山嚴金龍逆黨有何先生者未獲得同姓者一人捕緝者以為是也棻鞫之具得其誣服狀乃白而釋之而緝者猶護前爭論至再三乃已會信陽州牒至則真者已就捕矣後游

升福建巡撫

嘉慶志

明善字韞田滿洲鑲藍旗人道光中任荊州知府時連歲水患明善輸金修隄為民倡戊申水尤甚萬城隄獨屹然民賴以安調武

昌知府未幾粵賊犯省城明善率眾登陴守禦勢不支城陷巷戰

死徐宗亮撰傳

李芳字漱六上元人咸豐二年任武昌府通判粵匪犯省城奉檄巡江從者冀出城可倖免芳曰賊已傳城何有於江苟藉以免如職守何城陷具衣冠向北叩頭自縊死妻聞氏殉焉一門死者凡十三人江寧志

劉朝英字千夫遼東人順治甲午副榜康熙十九年知江夏縣時滇黔軍供甚急朝英多方措辦軍民交賴尤加意學校捐資課士刻有雄楚文編江夏志

繡麟字振子滿洲鑲黃旗人舉人歷任雲夢光化京山大冶等縣皆有治績知襄陽縣時有盜夜入樊城劫人繡麟立往捕獲之境內肅然咸豐二年署江夏縣寇氛漸偪疆吏翫泄不為備繡麟屢

請防上游不聽岳州不守始倉皇閉城徙民入城內盡焚城外屋繡麟日夜巡防不少懈城陷率其子伯春勇李成章僕王蘭等死之江夏志

程彬字小竹樂平人監生宣統三年署鮎魚司巡檢是年八月十九日夜武昌兵起彬率弓兵出巡至武泰聞適與相值即諭以大義宜安勿躁或叱之彬曰吾豈畏死者耶言未絕俄中槍而隕采訪冊

鹿兆圖山東人進士順治五年知武昌縣兵燹之餘招墾田地撫輯流亡催科折獄不尚嚴峻民皆感悅湖廣志

卜陳彝字聲咳秀水人康熙甲辰進士十九年知武昌縣時滇黔未平楚中軍行孔道殫心供億請免派歸巴運夫腳價二十三萬有奇並鐵稅煙酒雜稅又請蠲大兵養馬草束無協濟他郡言皆

懇切上官悉從其議

徐乾學楷
園文稿

黃詠字陶斯大興人進士乾隆元年知武昌縣尋知沔陽州請以沔糧運北武昌糧解南換兌四千二百石道里較捷兩邑稱便

武昌志

林芳字芷生玉環廳人嘉慶甲戌進士道光六年知武昌縣邑向

無考棚諸童自負几案就縣署局試芳捐廉爲倡擇地建之

武昌志

劉貽孫字芑汀湘潭人舉人道光十一年知武昌縣歲大水饑民

幾欲生變貽孫條上救荒事宜請賑勸捐設立粥廠民德之

武昌志

何開泰字梅生定遠人道光庚戌進士知武昌縣咸豐二年從復

武昌省城四年髮逆再犯開泰守漢陽門禦賊有功六月賊焚塘

角等處官軍潰散省城再陷巷戰死之

安徽通志

林之華字棣園羅源人歷任宜都通城興國等州縣咸豐四年署

志百二十二

職官十六傳

三

武昌縣次年賊上竄縣城戒嚴之華走內鄉聯鄉團據險相持賊

不敢近復襲賊於金牛鎮大破之兵燹之餘寬政恤民吏蠹役奸

一切斂迹

武昌志

龐穎字右魯梧州人順治庚子舉人康熙二十六年知嘉魚縣夏

逢龍叛嘉魚兵不滿百穎誓眾固守以機略上提督徐治都云賊

勢雖銳倡亂者獨督標三千人撫標城守均遭迫脅今賊精銳盡

駐安黃在咸寧者率皆新集舉兵迅臨必望風瓦解舟師直下武

昌一鼓可復也又獻三策卒用其言以成破賊功

彭端淑撰傳

史湛字德凝餘姚人貢生乾隆三十九年知嘉魚縣嘗舟泊簰洲

見有叢冢爲水所齧骸骨暴露別買高地移葬之歷任鍾祥黃岡

沔陽各縣俱有聲績

嘉魚志

孫斗山河南人舉人道光十六年知嘉魚縣邑有偽造印信者案

所株連數十家斗山罪其首犯餘悉不問歲屢歉緩租賦十二三至是議征之斗山曰民力未紓何堪重困遂稱疾去官

嘉魚志

劉縻字仲孚新建人舉人道光二十六年知嘉魚縣頻年大水請帑銀二十餘萬以濟災民下六里長隄崩潰縻修築之無水患者十餘載調蘄水縣值粵匪竄擾率鄉團防守要害歷五六年賊不敢逼升荆門直隸州

蘄水志

黃昌輔字虎卿江都人咸豐五年署嘉魚縣粵逆踞省垣近邑多為賊有嘉魚故濱江城僅土堡無可守禦人情洶懼昌輔創立水師截江為守厚集鄉團遙為聲勢以少擊眾屢戰皆捷後游升武昌知府鹽法道

嘉魚志

毛隆安豐城人同治九年由軍功補嘉魚知縣縣境倚隄為命下六里公隄計長三千餘丈最當衝溢上六里三合院隄亦久圯隆

志百二十二

職官十六傳

四

安修復之建龍潭腦沙背石閘湖民業漁者輒以截流爭訟隆安飭農民按畝攤輸漁課訟累遂息邑濱江冬令多不靖隆安躬自哨巡遣壯捕上下游擊江面為之肅清

采訪冊

張圻隆字禹服西華人順治辛丑進士康熙八年知蒲圻縣連歲蝗旱民食草木為生圻隆請蠲貸鉅萬創養濟院貧民賴之

蒲圻志

李清字本仁安邑人康熙十年知蒲圻縣撰訓俗歌並及時行孝文每朔望讀法親為講勸有虎白晝啖人邑中患之清建伏虎祠於龍翔山其患遂絕

蒲圻志

趙景伯字五臣南皮人順治丁酉舉人康熙二十六年知蒲圻縣夏逢龍陷武昌連破名城勢甚張偽牌至蒲圻景伯怒立碎之嚴飭守備邑境獨全

畿輔通志

王雲翔字耐菴新淦人雍正進士乾隆元年知蒲圻縣甫至訪知

包收濫派抽豐苛勒諸弊令民輸銀自封投櫃輸粟者自量弊端悉除減派隄費創修龍門書院後調江夏升漢陽府同知

江西通志

楊清輪陽湖人乾隆甲辰進士嘉慶二年署蒲圻縣時白蓮教匪甚熾清輪至即嚴保伍募鄉勇為守禦計洋泉石阬渡等處奸民潛與匪通其魁有李七者清輪佯置不問後密往擒治之境內帖然

蒲圻志

張建基字海山永清人道光辛丑進士二十七年知蒲圻縣懲猾吏儆刁民讞獄必得其平游升湖北布政使

蒲圻志

張汝琛字獻之上蔡人道光二十八年任蒲圻縣丞咸豐二年粵匪來寇汝琛率兵勇登城堵守城陷死之

蒲圻志

孫守信字筱石善化人咸豐三年知蒲圻縣縣城初復守信編緝團練嚴查戶口五年春賊復上竄守信單騎短衣親冒矢石以團

志百二十二

職官十六傳

五

勇數百人禦賊數萬羅澤南甚倚重之

蒲圻志

周文華字在中翼城人進士順治初知咸寧縣軍需嚴迫籌畫裕如弛刑息訟發賑救荒時稱循吏

咸寧志

何廷韜字毅菴瀋陽人廕生康熙二年知咸寧縣善讞獄嚴緝捕繕城壘固江防檄勘江夏災繪圖請賑實惠及民

咸寧志

陳怡字心台會稽人同治四年署咸寧縣時鮑超霆營潰勇過境沿途釋騷怡撫馭得宜民以無患

咸寧志

賈漢誼字長傳曲沃人官生順治十一年知崇陽縣治訟多所平反建學校修石硯陂清丈田畝革里役禁糧米折絹耗羨

崇陽志

石如連陳畱人康熙丙辰進士二十六年知崇陽縣值夏逆之變守令望風潛遁如連率兵登陴固守賊探至縛而誅之

河南通志

李五惇字秩夫龍溪人歲貢雍正十年知崇陽縣創建桃谿書院

置田租爲膏火資邑有書院自此始崇陽志

金綿祖字梅山遼東人康熙十三年知崇陽縣先是白泉陂被水衝決百餘年不修綿祖相度修築安流如故勒碑記各場受水田

畝多少分注尺寸有差崇陽志

盛治字霖襄江都人順治己丑進士知通城縣經闖賊後城中無

居民治設法招徠給官地建市廛值歲荒買穀三千餘石賑之蟲

虎爲災禱於城隍二害頓除湖廣志

周珙字南梁涪州人康熙辛卯舉人雍正初攝漢陽縣時沿江水

患流民集漢口羣不逞者欲劫官倉珙知眾不附縛治其豪旋補

通城縣自便民倉廢徵糧粟提及運解賠累民苦之珙復倉於縣

署頭門外邑俗子弟爲盜者無輕重鳴於族長執而投之江號曰

家法珙嚴禁除之通城志參用陳兆崙撰誌

志百二十二

職官十六傳

六

陸昌齡華亭人監生雍正十三年知通城縣令訟牒注明里居於

原告呈內硃限示日質審兩造自至不用差傳其翻控者必虛衷

研究誤則改正之捐廉葺城垣設義學通城志

章朝偉字遲峯銅陵人道光十一年知通城縣歲饑米貴朝偉出

官穀萬餘石貸民令秋成補償其數建修學宮文昌閣以工代賑

安徽通志

饒拱辰字鐵夫新建人進士道光十三年知通城縣禁俗溺女及

輕生圖賴者調知咸寧值大水田廬淹沒過半拱辰力請蠲賑按

戶口月給錢米有差民賴以全活後升安陸府知府粵賊竄隨州

拱辰選器械集團勇爲固守計警信突至或勸暫避拱辰正色拒

之卒以無恐鍾祥志

夏獻謨字子嘉新建人咸豐初署通城縣釐積案數百起陳地方

積弊十數則悉以民情上達尤加意書院士林稱之天岳山房文鈔

夏錫麒字雲舫錢塘人咸豐癸丑進士七年署通城縣時新章完

糧一石折錢四千錫麒更為標識糧券於正米折價內扣除耗米

錢三百六十四文民感之歷任蒲圻江夏均有聲績後升知府蒲圻

志

王俟字陟菴長山人康熙庚戌進士十五年知興國州葺治學舍

清釐虎山學基大置義冢以給貧不能葬者興國志

高夢龍字雨亭山陽人監生康熙五十三年知興國州在任八年

修聖廟設義學代輸茶稅復疊山書院祀田修滄浪亭古蹟善政

甚多興國志

椿齡字繩山漢軍鑲黃旗人嘉慶己未進士十一年知興國州聽

訟明決勤於撫字置木桶貯水於市以備火又築隄捍水人呼為

志百二十二

職官十六傳

七

椿公隄歷署蘄沔陽二州興國志

劉源湛字石友新鄉人順治丁亥進士知大冶縣蒞任四月江西

金聲桓叛頑民間風反側源湛執其渠魁餘眾悉定河南通志

謝鏐字碧巖英德人拔貢康熙十三年知大冶縣奸民黃金龍謀

變鏐止諸路進剿兵躬率鄉勇討平之邑無驚擾廣東通志

李先復字曲江南部人康熙壬子舉人三十五年知大冶縣清釐

錢漕除差徵尖收之弊聽斷明決案無留牘修學校每歲舉行鄉

飲酒禮立社倉以備饑荒四川通志

胡復初字惺齋南昌人舉人同治四年知大冶縣力行保甲城鄉

畫一倡修學宮立兩義學旋調枝江縣大冶志

龔在升字聞園嘉善人順治己亥進士康熙十年知通山縣息訟

獄簡糧役汰陋規新學宮興修橋梁塘堰羨耗雜費概行蠲免通山

徐芝字寶泉湘潭人道光癸卯舉人咸豐十年署通山縣除結案規費勤於聽斷囹圄幾空調興國州革除積弊時號清明與國志

邱俊孫字顛之山陽人崇禎癸未進士順治十年知漢陽府楚俗

好鬼俊孫徧毀諸淫祠獨修葺大禹后稷廟聽訟輒為兩造開譬

往往悔悟求息有疑獄十年不決一夕屏人勘之各曲中其隱案

遂結時滇南用兵往來絡繹俊孫調發應付雖東芻豆皆有程

則以積穀有方擢任山西參政漢陽民泣送逾百里乃止汪琬撰誌參喬

萊行狀

姚文烈字覲侯桐城人順治辛卯舉人十四年授漢陽府推官鋤

豪強理冤抑民吳安為盜扳誣服擬決文烈疑之廷詰諸盜諸盜

不能辨為白其誣釋之漢口鹽引額重滯銷為商病文烈立法疏

志百二十三

職官十六傳

八

通漕政以清諸郡大水災民赴漢口覓食接踵相屬文烈繪圖上

撫按捐俸勸輸設粥廠以賑之全活萬計姚瑩撰家傳

楊必達遼陽人貢生順治十六年知漢陽府時大軍征勦西山殘

寇必達督運軍餉訖無違誤鼎建府治煥然一新漢陽府志

郝巽字先五潁州人舉人康熙元年授漢陽府推官有吏才大軍

南征委催九江軍需星夜經理比軍至而芻糧先集先是案牘山

積巽按律原情務從輕比民自以不冤江南通志

胡學成字行干長汀人雍正中由黃州同知改武昌擢安陸知府

歲凶捐廉運米以濟民不病饑立沔陽田賦五則以紓沮洳之民

移知漢陽府漢口多火災為之設法防救火患以稀所至尤加意

學校拔士若張鵬翀等皆知名於時後升湖北督糧道朱仕琇撰誌

趙玉字藍生桐城人嘉慶己未進士知漢陽府楚省沿江有籌防

經費存商既支用而徵息如故洲地升科復淹沒而催稅如故玉力陳免之在任六年囊無餘資

安徽通志

鍾謙鈞巴陵人同治初知漢陽府捐修晴川書院置洲地以助膏火建育嬰敬節兩堂時擒匪肆擾倡議築漢鎮土堡以護商賈漢沔水患災民流徙謙鈞於大別山麓蓋席棚散糜粥秋後給資遣歸尋擢廣東鹽運使閱數歲聞江漢復有水災遠寄八千金助賑

漢陽府志

唐之柏字松友灌陽人順治丁酉舉人康熙七年知漢陽縣邑久困於兵之柏任時又當吳三桂反大兵往來徵應皆辦設水口義渡船清丁戶緝奸宄興學教士皆有成績

廣西通志

裘行恕字慎甫新建人嘉慶十二年知漢陽縣為政興廢舉墜疏金牛港大頭河浚小白湖繕城頭山長隄請鸚鵡洲改隸漢陽廣

志百二十二

職官十六傳

九

學額增書院膏火修邑志士林誦之

漢陽府志

張中孚字藹人歙縣人舉人道光二十四年知通山縣咸豐初調任漢陽聽訟勤敏且詰且判不輕用刑遇檢驗講求精細命案控請覆驗者臺司悉以委之多所平反

方宗誠文集

冀應熊字渭公輝縣人崇禎壬午舉人順治六年知漢川縣邑涇口松湖黃龍潭橫湖等處延袤百里夙為盜藪應熊以計擒勦悉殄滅之後升襄陽興屯同知

漢陽府志

任弘祚字昌祉河津人順治辛卯舉人康熙時知漢川縣武昌裁兵煽亂弘祚聞信馳赴彝陵乞師請身任餽餉並請署為前鋒進薄賊賊望風披靡縛偽官一人斬之將軍史蔡繼統兵至芻糧委

積浹旬賊平

山西通志

伍澤概祁陽人舉人乾隆二十三年知漢川縣姚公山下舊有合

尹子文祠墓澤概修復其墓立碑表焉重新紫陽書院表章先哲
振興學校士論歸之

漢川志

樊鍾英楚雄人選貢嘉慶時知漢川縣地下苦澇洲田升科額過
溢鍾英力爲陳請減十之七

漢川志

趙德轍字靜山解州人進士道光十七年知漢川縣縣以隄防爲
重德轍仿河工法令積土牛以防盛漲植蘆葦以禦衝擊民稱便
焉賦額有蘆課銀頻年水災蘆洲沈塌民苦賠累德轍請於上官
災荒之年得與一律蠲緩尋調知漢陽縣亦有惠政

漢川志
漢陽志

張擢士字異資江南通州人副貢順治十六年知孝感縣邑承凋
敝之後徭役不均擢士區分等則纖悉皆當民以不病新學宮輯

邑乘期年境內畢治

漢陽府志

梁鳳翔字梧齋陝西咸寧人康熙癸丑進士二十五年知孝感縣

志百二十二

職官十六傳

十

歲游饑鳳翔捐俸勸賑多所全活修縣學及南漕倉建書院設社
學置常平倉修驛路橋梁買田爲義冢善政備舉

孝感志

劉朝講字石平高淳人康熙丙戌進士五十二年知孝感縣民有
納妾外舍者一日歸妻爲具食妾旋以心痛竟死妾弟訴於官妻
誣服置毒朝講爲平其獄捕獲劇盜劉四誅之境賴以安

江寧志

趙振清字月坡臨潼人進士初任興山知縣道光十五年調署孝
感時大旱蝗蝻遍野振清親督捕滅設局購買埋而燒之未幾大
雨遺孽都盡遂以有年邑舊無賓興振清勸集白金六千兩以爲
士子春秋兩試資

孝感志

李際春字嘯山蔚州人舉人道光中歷署公安漢川兩縣補孝感
縣在公安定編戶牌法以除苛派在漢川築大沙背隄孝感民有
悔婚及爭葬地者構訟累年際春一訊卽決邑人稱焉

蔚州志

韓體震字心齋夏邑人軍功授通城知縣咸豐六年署棗陽始至土匪竊發體震旬日平之旋移光化歲饑立保安局以施賑粵匪竄均州體震籌辦防務嚴密不懈八年調江夏縣黠吏侵蝕漕糧體震白於巡撫胡林翼治誅之同治元年署孝感縣八月擒匪來犯都統舒保出城擊賊賊繞其後襲城中體震素善擊刺出與賊鬪眾寡不敵戰死采訪冊

楊廷蘊字簡菴武進人順治乙未會試副榜知黃陂縣清田賦出隱匿貧民無偏枯之累黃陂志

紀達宜字可亭順天人雍正元年進士知黃陂縣時甫更赦令羣盜在案者皆當釋達宜傳集庭下反覆開諭令改行爲善羣盜皆感動竟任無一人爲盜者會覈墾荒田畝州縣承指率以多報爲能達宜言今之報墾由於昔之報荒黃陂狹鄉昔旣無地報荒今

志百二十三

職官十六 傳

十一

有何田報墾上官無以奪

畿輔通志

邵大業大興人雍正癸丑進士知黃陂縣乾隆丁巳水災大業捐俸拯濟活者無算又捐築東寺坂理趣林毛清河靳家灣等隄凡一千一百餘丈士民德之稱爲邵公隄嘉慶志

韓維鏞字銅士平湖人嘉慶甲戌進士知黃陂縣修文廟建考棚辛卯壬辰連歲水災設粥廠賑拯甚眾尋補武昌府通判子季海漢陽府經歷印海德安府通判黃陂志

呂憲瑞字芝巖萊蕪人同治壬戌進士三年知黃陂縣首復望魯書院並捐俸三百金以助膏火士氣一新黃陂志

朱際敷字半巖慈利人同治四年知黃陂縣時擒匪肆擾城垣久圯倡捐築之邑北與光羅連界有匪嘯聚督勇數百擒破之黃陂志

馬修藩字啓田上元人監生同治五年署黃陂縣值擒匪撲境修

藩守禦有方竟獲保全尋移知大滄縣

黃陂志

徐好善潞安府人貢生順治六年知沔陽州時寇亂殘破好善以息事安民爲務民有逋賦繫獄者父病哀號欲自縊獄吏以告好善爲出金完逋且給資使歸養

沔陽志

楊士元字恂菴江寧人順治辛丑進士康熙十九年知沔陽州時征閒架稅士元親至查驗民有孤貧及屋舍傾圮者皆予除免歲仍水旱民賦多逾期士元委曲勸諭不任敲扑咸戴其惠坐事誣誤州民赴愬京師允復任詳請豁除沈塌田賦萬餘兩

沔陽志

劉以潛字見之閩中人康熙二十八年以天門縣丞署沔陽州有才幹捕盜魁蔣玉生羅細子等置諸法亢旱步禱烈日中有應民頌之

沔陽志

朱化隆江陰人監生康熙中知沔陽州民苦徵丁之害化隆議隨

志百二十二

職官十六傳

十一

糧派復編審定地畝之法行之皆以爲允歲稔請賑散放有法民無流徙

沔陽志

劉汝梅漢軍鑲黃旗人監生康熙時知沔陽州沔南濱江帶湖有盜數百人出沒嘯聚常白晝行劫捕役賄縱莫可究詰汝梅微行密訪得其渠魁捕獲誅之自是村市安堵

沔陽志

禹殿鼇字大川汜水人雍正十年知沔陽州時田賦淆混殿鼇請行清丈周歷咨訪嚴稽隱漏胥役無敢高下其手計出田四萬一千餘頃視田饒沃定賦爲五則革修隄陘規刊石永禁之乾隆七年夏淫潦爲災江河泛溢沔受害最酷殿鼇多方撫輯請蠲正賦一萬有奇發賑穀十七萬六百餘石又倡募複襦千製所全活不可勝計後升黃州府知府

沔陽志

李在田字覃懷武陵人雍正初選貢授沔陽州判河北長圍院被

水患者七年築隄屢崩在田爲文以禱旬日闢工成楊林院者七十二院咽喉也乾隆七年襄水驟至隄崩十餘丈在田露棲隄畔搶築子隄捍之得無大患州人紀其事於石志 河陽

丁德嘉字二宜高安人副貢乾隆開署沔陽州州民好訟德嘉理積贖懲勸並施不數月俗頓革歷任安陸雲夢江夏等縣皆有治績江西通志

張寶榮字雪樵太平府人舉人道光初知沔陽州捐修聚奎書院置育嬰所收養嬰兒八九十名朔望日親往簡視所活甚眾城勢低窪寶榮相度築豐樂圃以洩潢潦增修周家橫隄以障襄水遂免墊溺之患沔陽志

蕭蔭恩字天衢餘姚人咸豐四年知沔陽州時粵匪竄擾蔭恩練勇防守全境獲安升任漢陽同知移德安建市城權釐稅商民安

志百二十一

職官十六傳

三

之沔陽志

梁照字鶴賓祥符人宜城志云臨桂人舉人咸豐初知宜城縣歲大旱勸

富民出粟爲備民以不飢調知襄陽宜城民與南漳民爭渠構衅照往平之皆置訟而散擢知沔陽州兵火之後瘡痍未復照緩征徭平訟獄興學校繕隄防民翕然戴之土匪何士秀謀亂照督兵捕滅之僅誅要犯二十餘人餘皆獲宥沔陽志

陳五典字蔭莊長武人進士咸豐六年署沔陽州勤於聽斷訟者悅服徵收逾額奸蠹一清七年天門匪徒楊修兒爲亂其黨誣控陡河柳姓欲以嫁禍五典訊實立分別究釋歷任穀城蘄水知縣皆有善政沔陽志

白秉貞字懿生錦州人貢生順治四年任黃州府通判斷事明決郡有獄咸歸之東山盜起總督羅繡錦檄秉貞率民兵攻之勦撫

兼施四閱月四十八寨悉平十七年游擢鄖陽撫治

盛京通志

韓友字心吾陝西人順治四年任蘄州營參將時英霍土寇猖獗

踞蘄上鄉友扼險邀擊斬其偽總兵一人四十八寨偽將吳高率

舟師攻蘄友開門迎擊一戰殲之鎮蘄六載人民安堵

蘄州志

郭鳴鳳任邱人順治九年知黃州府歲游荒作粥以濟饑民多所

全活後升本省興屯道

康熙志

宋犖字牧仲商邱人廕生康熙三年任黃州通判兵後民力凋敝

犖多方撫恤嚴行保甲盜賊遠遁有所承讞執法不撓無敢干以

私復雪堂竹樓古蹟邦人興起

雍正志

于成龍字北溟山西永寧人副貢康熙初遷黃州府同知吳三桂

反問至攝武昌府請停徵以安人心大軍雲集惡少憑禁旅為姦

成龍執之白大將軍立寘之法會東山寇起成龍乘賊勢未合直

志百三十二

職官十六傳

西

趨賊寨說降劉君孚掩賊首黃金龍斬之調知黃州府甫抵任賊

黨何士榮等眾號十萬來逼成龍集鄉兵五千與賊對壘賊兩路

進攻分兵禦之擒斬士榮於陣焚賊名冊諭解脅從即日事平十

六年復設江防道以成龍為之游升兩江總督

先正事略

王宗臣字柱石浙川人康熙五年任黃州營副將七年鄰鎮叛卒

匿大崎山宗臣擒斬其渠魁九人餘遣歸伍十三年雲貴以反聞

巡撫張檄守武昌賊黨起陽邏謀以元夜入犯宗臣請令息燈火

停漏鼓以疑之分哨九門自領十數騎周巡達旦賊又將乘夜焚

漢口宗臣偵賊所在出百騎掩之追殺殆盡五月麻城東山賊起

引兵東勦平之十月江右賊出鄱陽湖陷湖口數縣蘄州大震宗

臣駐兵黃梅清江鎮禦之擊敗賊船于斷腰賊不敢窺楚境

顧景星撰

墓表

李彥瑄字輯五三原人康熙丁未進士四十三年知黃州府涖任十載率屬以廉清查積貯荒歲民賴以濟雍正志

邱賜書字升朝吳江人監生乾隆閒任岐亭同知舊規金錢歲千計悉革除之劣僧中虛交通官府恣為不法召至嚴治之蘇州府志

管樂字亮揆零都人乾隆己未進士二十五年任黃州知府著三雷說勸民謂息訟畱財忍氣畱命崇儉畱福也讞囚輒展轉求生

在任十餘年止決大辟二人江西通志

方求鼎桐城人嘉慶十六年任武穴闖闖鱗次多火災求鼎為置水龍水槍麻搭火鉤禦火之具火患以息廣濟志

吳之勳海豐人進士嘉慶九年知黃州府甲戌大旱之勳率屬走顛百神暴身壇所雨隨以降四境霑足黃州府志

徐上鏞字蓮舫歙縣人道光中進士知黃州府連年水災捐廉撫

志百二十三

職官十六傳

五

卹崇陽鍾人杰之亂慎固江防地方安堵安徽通志

祁宿藻字幼章壽陽人道光戊戌進士二十五年知黃州府愛民息訟麻城民某與嫂爭產構訟不休宿藻判詞累千言論之叔嫂

皆感泣去喜培植士林訓課士子若嚴師值歲旱禱雨輒應民情

大洽黃州府志

金雲門字菊仙休寧人道光癸巳進士歷署京山崇陽縣事治績

稱最粵匪犯楚屢任防剿咸豐三年知黃州府城經寇亂勝兵僅百餘人賊再至勢無可守雲門寓書其友言將與城為存亡八月

己未賊撲城雲門方居試院朝服坐堂上賊入執槩刺雲門雲門奪槩出匕首以刺賊賊卻追及之洞其胸雲門遂躍入階下井中

而死妻汪氏及長女先於二年十二月在武昌殉節采訪冊

黃益杰字子山平江人附生咸豐十年以軍功擢黃州知府兵燹

之後修復廟學試院百廢俱興同治初元捻匪擾境益杰率兵固守城賴以全

黃州府志

穆克登布字熙齋蒙古正黃旗人咸豐間由施南副將調黃州協

黃州府志

曉暢營務禦賊有功約勵士卒招集流亡百姓戴之

楊日昇字旭孟富平人舉人順治四年知黃岡縣值湖南用兵禁

稱最

雍正志

旅雲集所需糧糧芻茭舟車版幹應期立辦撫凋殘招流亡政績

劉國寧字漢章遼東人廕生順治七年知黃岡縣邑當水陸交衝

必親率眾撲滅之

康熙志

兵差絡繹國寧以身任之不以擾民多火災預設救火之具有警

徐籀字亦史吳縣人崇禎舉人康熙初知黃岡縣慎於用刑每見

囚輒泣下欲生之邑火災籀捐二千餘金賑之修建學宮春秋二

志百二十三 職官十六 傳

六

祀將事肅然

黃岡志

董元俊華亭人順治中進士康熙六年知黃岡縣革羨耗息訟獄

創修邑志會去任後令李經政踵成之經政漢軍旗人亦著賢聲

黃岡志

劉澤溥字惠菴漢軍正藍旗人筆帖式康熙時知黃岡縣捐修問

津書院置蓮花汊田重修上新河橋建亭曰觀瀾士民嵌其像於

赤壁以志遺愛

黃岡志

暢于熊字光羣新鄉人雍正甲辰舉人九年授黃岡知縣興利除

弊動中機宜建義塾延名師勤月課定甲乙邑人編修萬年茂進

士程後濂鄉貢王如旦皆所賞拔

劉統勳撰誌

王正常字方山瀘州人舉人乾隆中由咸寧縣調知黃岡丁未蝗

起正常爲文禱劉猛將軍廟三日有羣雀食蝗殆盡邑人神之爲

作神雀頌戊申大水籌振安集民無蕩析建修文昌閣二程祠團風漕倉調知鄖陽府嘉慶初教匪倡亂郡屬習教甚夥正常先事防範城中賊不得發及率兵勦捕深山窮谷經歷幾徧升安襄鄖

荆道

黃岡志
鄖陽府志

蔣祖暄字晴山全州人舉人嘉慶間由羅田縣調署黃岡時大旱羅田民祈雨潛往大崎山輦龍神去黃岡人要之弗能得遂集眾械鬪聚至萬人暄馳往羅田民爭拜馬首因委曲開導兩邑民感悟事遂寢

黃岡志

郎錦駿字牧雲代州人副貢嘉慶中知咸寧縣以最調江夏尋調黃岡清理積牘未半月訟繫一空有棍徒爲害鄉閭捕治之闔邑稱快河東書院曠廢倡捐二千餘金膏火頓裕後擢荆門直隸州

黃岡志

志百二十二

職官十六傳

七

劉詒孫字芑汀湘潭人舉人道光三年由咸寧縣調署黃岡興國客民載米三江口遇風舟將覆客呼岸上民求救許以直旣而不與爭鬪成訟株連百餘人詒孫不直客使酬救者訟乃息

黃岡志

薛元啓字雲錦泌陽人咸豐二年知黃岡縣有幹才猾吏屏息治盜嚴而不苟聽斷無冤軍需旁午咄嗟立辦會巡撫李續宜移師安徽調元啓隨營去

黃岡志

葛致遠字毅山畢節人舉人咸豐五年署黃岡縣粵賊大股抵倉子埠致遠率勇邀擊於井字山身先陷陣團勇繼之擒斬甚眾悍酋范朝蘭率眾降在任二年與賊大小數十戰兵戈倥傯而治獄

徵賦無廢事

黃岡志

沈啓隆山陰人順治初任蘄水縣丞時東山寇起攻掠郡邑啓隆從縣令嬰城固守有完保之功又從大兵安定旁邑身踐戎馬間

以數十騎入羅田卽領縣篆羣情惴伏

志 蕪水

劉佑字雲麓曲周人歲貢順治十三年知蕪水縣時巨寇初平民

范黍伯獷悍不奉法聚眾滋事當事欲勦之佑力爭因往撫之眾

遂解全活無算

蕪水通志

劉象賢字思菴漢軍鑲藍旗人筆帖式康熙時知蕪水縣邑故有

興賢莊為鄉試諸生費象賢捐田三十石更立額俊莊為武科費

並置社倉十餘所

蕪水志

許騰鶴字集之惠來人進士乾隆初知蕪水縣崇尚理學創蕪陽

書院構樓祀宋五子每月校士前列者輒獎勵之

蕪水志

際亨字子謙漢軍旗人舉人咸豐三年署蕪水縣值粵匪上竄際

亨籌辦鄉團協力堵勦嘗深入賊營偵探虛實賊弗之覺

蕪水志

徐鼎字子久華亭人進士順治四年知麻城縣時姜瓖金聲桓起

志百二十三

職官十六傳

六

事全楚震動奸民乘機倡亂攻城鼎援兵登陴城中多僧道或欲

逐除之鼎不可卽用以代守卒莫不用命是時黃屬皆陷而麻城

獨賴以完

松江志

王潞字又韓餘杭人恩貢順治十一年知麻城縣時南糧收貯改

移城內東南達宋埠水或淺涸運送維艱潞親率里長至宋埠收

納費省什二而民亦便之

雍正志

孫弘姓樂安人恩貢康熙三年知麻城縣邑徵收無畫一法恆為

吏胥那移弘姓每里置一櫥一冊令民如限自輸月終躬親會計

其弊遂絕

黃州府志

屈振奇字鷺容洋縣人進士康熙八年知麻城縣時東山賊萬野

干等作亂從知府于成龍率兵擒斬之在任多所建樹

麻城志

湯應求字簡臣靈川人舉人雍正初署麻城縣民楊某有女弟再

黥於涂不遜於姑夫責之氏忿歸匿前夫家涂尋不獲遂與楊氏族互訟前令不能辨應求至楊某從兄同範以毆妻至死誣涂具控應求以事無左證斥之同範銜之迎匿女弟於其家訐告無已適河干有暴屍同範指爲女弟冤死應求往驗已腐朽莫辨男女同範上訐應求驗不實委屬覆檢者率受楊賄盜易髑髏稱女屍良是遂誣應求以賄縱論坐同範偵無他患女弟亦潛出至其兄五榮家五榮妻方產鄰媪來窺見女媪子故爲刑吏以是案煇死媪鳴之官時令陳鼎虛衷研訊得實皆反坐如律復應求官後補利川知縣

黃州府志

案袁枚小倉山房集則持是獄者總督邁柱也史貽直蒞任獄乃白麻城志載與袁微異

丁翊壽長興人乾隆三年知麻城縣縣有劇盜踞處山僻捕者不敢前翊壽挺身入首從俱就縛嘗相驗至場未入忽轉步過山嶺三里許至一莊後見草有踐踏迹以爲屍自此昇往詰問果服後

志百二十三

職官十六傳

九

歷任漢川鍾祥等縣

麻城志

黃家璠字璞山連江人舉人嘉慶中知麻城縣性平恕人不忍欺嘗訊一竊盜勸其改行給以資本後盜又爲人獲將械之至縣乃

泣曰願死毋令我再見黃公卒改從善家璠雖在官舍妻躬執炊

爨紡績聲聞於外境內化之又知鍾祥亦以治行聞

麻城志

汪敦仁字籽農湖南人舉人咸豐六年知麻城縣值粵賊踞境上

官軍雲集敦仁督率團勇相爲犄角卒復縣城擢岐亭同知

麻城志

吳林字木齋嘉定州人舉人咸豐閒知麻城縣時捻匪擾境林豫

籌守禦修城隍建礮臺儲米粟賊屢圍城民無二志輒敗退

黃州府志

劉祝穀字萼樓天津人同治八年署麻城縣始下車筇游手數人

遠近懾服清訟累絕盜源一方稱治

麻城志

李雨霑泰安人順治己丑進士七年知羅田縣時城邑邱墟雨霑

撫勸兼施汰革陋規興學課士在任六載民人安集雍正志

呂鳴和直隸人副貢順治十六年知羅田縣徵收立自封投櫃法

不假手吏胥革除火耗民爭輸納羅田志

姚士基字履若桐城人舉人康熙時知羅田縣邑素患盜立保甲

法盜賊以彌催科以牌示期俾民自納卒無遺欠遷修學宮創立

義冢及官渡姚瑩撰先德傳

沈廷楨漢軍鑲白旗人康熙時知羅田縣建義學置社倉施義園

發奸摘伏吏畏民懷羅田志

蕭世蕢大興人進士順治七年知黃安縣時有奸民張正中向有

惠廖國楨等結黨煽惑世蕢按誅十八人始定畱心積弊平政均

賦務在便民黃安志

蕭恆三原人進士順治十五年知黃安縣政尚嚴明發奸摘伏人

志百二十二

職官十六傳

三

莫能欺西山之役軍需旁午恆從容調劑卒以不擾黃安志

張國柱遼東人監生康熙時知黃安縣值夏逢龍倡亂劣生李宗

瑚等勾連汎兵詐傳偽檄將襲城民盡逃散國柱佯為懷印走免

者至打鼓墩收合義勇一鼓勦賊平之在任九載士民戴之黃安志

吳象寬海豐人雍正癸卯進士三年知黃安縣捐修學宮置祭器

葺城垣建義學社倉值荒歉親歷各村散賑計口授米近城設粥

廠全活以萬計嚴捕務清保甲禁刁訟卓有政聲後知咸寧調黃

梅縣黃安志

彭瑞澂丹棱人舉人乾隆閒知黃安縣畱心民瘼嘗親至田閒問

民耕種豐歉歲小熟則喜黃安志

李之峻字東川永平人舉人乾隆時知黃安縣捐俸救荒全活甚

眾畿輔通志

李介白字莘田長壽人舉人嘉慶初知黃安縣邑有巨盜不能得
介白設計擒之並治匿盜者後遂無盜有人賣藥往來京師被獲
以爲邪教迹至縣中掩捕闔村男婦百餘人將以爲功介白力辨
其非研鞫數月卒盡釋之黃州府志

許賡藻字枚卿孝豐人舉人道光末知黃安縣咸豐初粵匪陷省
城肆擾縣境賡藻督團練堵剿屢有戰功擢知黃州府籌辦軍需
勞績甚著尋調鄖陽知府黃州府志

李隆發鄖縣人咸豐初任黃安巡檢時捻匪頻年竄擾隆發率鄉
團堵剿建修寨堡堅壁清野賊無所掠黃安志

楊宗時字春生陽湖人供事咸豐間由恩施縣調知黃安時粵匪
甫退宗時竭力鎮撫民賴以安黃安志

文齡蒙古旗人貢生同治初知黃安縣捻匪頻年竄擾境上文齡

志百二十三

職官十六傳

三

築城浚濠守禦有方前後捐廉一千九百餘緡餉軍黃安志

張定邦遼陽人順治二年知蘄州政尚簡易催科不擾民甚愛之

擢德安府知府蘄州志

方於光字澄嵐大興人進士順治七年知蘄州時田糧隱漏里役
不均於光一清積弊貧民受其利蘄州志

王宗堯字銘一廣寧人蔭生順治十六年知蘄州邑治廟學久燬
宗堯鼎新之民困徭役請給雇役官錢民大稱便蘄州志

李秘字君采靈川人進士乾隆時知蘄州甫下車積案三百餘起
審結一清奸民馬朝柱謀叛設法擒捕盡獲其軍械圖札不勞一
兵後升黃州知府蘄州志

曹維道直隸人拔貢乾隆五十九年知蘄州時襄鄖教匪滋事蘄
當孔道調撥軍需籌畫有方民不知擾蘄州志

錢鑿字貢金常熟人雍正中舉人乾隆初由江夏縣擢知蘄州歲
稔米踊貴鑿請出所儲軍米一萬石平糶民以無饑補城垣葺官
廨增考棚號舍置書院田備膏火以其餘周寒峻蘄州志

李鏐字蓮峰解州人進士道光初知蘄州剛直無私聽斷明決時
有鐵面鏡心之譽蘄州志

李瑜字念南錢塘人咸豐間署蘄州土匪通賊瑜立擒首惡誅之
民心以定會粵賊數十萬由蘄水犯省城州中兵少不能禦陷賊
瑜旋復之後通山莠民倡亂圍城新洲亂民毀釐局戕委員皆瑜
馳往平之修江咸嘉蒲四縣公隄工料堅實而費不靡采訪冊

孫福海字補堂榮城人舉人同治初署蘄州聽訟善爲鉤距恆得
隱情喜獎掖士類有如所私蘄州志

王名世字松谿山陰人舉人順治初歷署蘄水黃陂知縣俱有政
志百二十三 職官十六 傳 三

聲又署廣濟廉諸吏奸狀嚴加懲創請免數年逋賦斥去陋規聽
訟必盡其辭徐以片言折服雍正志

姜天棟仁和人順治中爲廣濟縣典史飭保甲稽浮寓嚴緝捕邑
無盜警廣濟志

鍾謙亨字有終東安人拔貢順治十六年知廣濟縣邑中田賦不
均謙亨行文量務使田與稅當運解漕米里長侵盜無算謙亨改
用折色輸解既便而奸漁遂絕廣濟志

劉臨渠縣人副貢康熙時知廣濟縣故事南漕二糧各倉分納水
腳分兌臨以分則易爲擾累諭令歸併三十七年境內蝗臨出郭
勘驗因籲天泣禱攫蟲食之是歲蝗不爲災廣濟志

李世德漢軍鑲黃旗人貢生康熙時知廣濟縣歲屢旱穀騰貴世
德發倉散積減價平糶尋疫癘流行爲設藥局死者棺瘞之置漏

澤園於萬車鋪後調黃梅縣

廣濟志
黃梅志

蕭龔武平人舉人知廣濟縣歲大水請豁災區錢糧建文昌閣於

舊河口置學田若干畝建義學於河西

廣濟志

高人傑興平人舉人雍正六年知廣濟縣邑龍坪下五鄉長隄水

齧屢潰人傑修建石隄數十餘丈遂以無患

廣濟志

丁鈴大興人乾隆中任廣濟馬口巡檢歲甲申江水泛溢盤塘一

帶堤上至用舟楫往來鈴勸募五百餘金增築高厚己丑又水江

漲如前而內湖之水竟減數尺其效始著

湖北通志
檢存稿

王鵬南字搏北婺源人舉人乾隆時知廣濟縣歲旱開常平倉發

穀借民蝗起身往督捕災患以弭蘄州有疑案奉檄覆審竟白其

無罪者釋之

安徽通志

黃照字昱齋東莞人舉人知廣濟縣邑滄浪書院膏火田由書吏

志百二十二

職官十六傳

三

掌其籍多所侵蝕照奪以予紳士之廉正者董其事士林始沾實

惠

廣濟志

李成林廣寧人廕生康熙初知黃梅縣時大水居民蕩析鍾公隄

決官道不通成林開倉賑濟與邑丞樓自新露夜奔馳修築隄成

夾道植樹遂底完固

黃梅志

歐陽旭丹徒人進士康熙時知黃梅縣歷六載多惠政夏逢龍之

亂他邑守土者皆遁旭獨率士民設守備嚴徼巡進剿之兵道出

黃梅轉輸供億一無闕乏後行取刑部主事

黃梅志

李珣濟源人舉人雍正元年知黃梅縣刑獄詳慎審斷無冤五年

大饑發倉穀一萬四千石以賑俟歲熟民有力還倉者聽無力者

代還之又請廣學額事竟施行

黃梅志

王鴻典字慎齋雄縣人乾隆三十一年由應山調署黃梅縣聽訟

受牒輒得其情卽判牘尾使詣里黨處釋時無終訟者移知羅田
亦有政聲黃州府志

曾麟開字雲瀾貴池人舉人乾隆時知黃梅縣清釐社倉增置江
防嘗因訟句訊一人役索賄不遂毀其票誣所句者麟開曰愚民
畏罪走匿情也毀票何爲因摘其索賄嚴治之邑人頌其明黃梅志

吳鼎字陟台南豐人副貢嘉慶初知黃梅縣蘄州有芟洲兩造爭
訟已歷百年聽者往往兩取其賂而止鼎被檄往勘不受一錢日
中而決民爲立碑頌之江西通志

張維屏字南山番禺人道光壬午進士知黃梅縣值大水隄潰維
屏乘舟勘災發賑幾瀕於溺得樹而止輿人歌之有官要救民神
救官之句調廣濟縣尋引疾去黃梅志參先正事略

覃瀚元字石僊藤縣人軍功擢知黃梅縣前後凡三任事無不舉
志百二十二 職官十六傳

葺城垣修邑乘建試院築攔湖新隄釐剔錢糧浮冒每年減銀二
千七百餘兩黃梅志

史維基字建堂大興人供事同治初署黃梅縣當夏汛暴發縣堤
幾潰維基督眾搶修民獲安堵劉塘蔡山大河諸土賊嘯聚維基
親往平之黃州府志

高翺字雲旂江寧人順治丁亥進士十六年知德安府歲饑請發
倉穀蠲賑不足出俸益之全活以數萬計安陸志

洪吉臣字載之錢塘人順治十七年任德安府推官會大旱德安
尤甚盈路皆餓殍吉臣首出俸資勸富民出粟散賑十有七次德
安六邑士民皆德之爲作五仁五清之歌錢塘志

戴秉鉞邳州人順治中武進士任德安營都司吳三桂叛赴荊州
防江與賊夾江而陣夜賊以戰舸百餘乘風襲渡北岸秉鉞束葦

貯火線遙投之風反火烈賊焚溺死者不可勝數徐州府志

傅維杞字友李真定人貢生康熙時任德安府同知裁兵夏逢龍

叛陷武漢兩郡德安參將某陰約獻城諷維杞去維杞叱之郡守

竟先遁維杞堅守孤城十有餘日亂定檄查叛黨維杞言脅從罔

治全活甚眾畿輔通志

程師爽休寧人貢生乾隆二十八年任德安府通判有營弁窩盜

吏莫敢發師爽捕置之法監賑漢陽一絕侵漁之弊安徽通志

賈鍾琪字其玉絳縣人貢生乾隆二十九年任德安府同知剔除

屯弊旗丁安業在任九年歷著勞績安陸志

保成滿洲鑲黃旗人官學生乾隆時知德安府公正嚴明門無私

謁有疑獄未能定讞乃屏去書吏獨與犯人辨詰反復悉得真情

德安府志

志百二十二

職官十六傳

五

張若本桐城人舉人乾隆七年任漢陽府同知三署德安知府初

值歲饑盜發若本用法嚴境內肅然嗣再至三至則從容化導而

已郡人爲署三至堂額德安府志

羅暹春字泰初吉水人乾隆壬戌進士三十五年知德安府在任

七載百廢俱舉大旱禱雨甘霖隨應擒斬京山賊渠嚴金龍調任

黃州府江西通志

茹敦和字三樵會稽人乾隆壬申進士三十八年授德安同知屢

權郡篆屬邑饋獻一無所受折獄不用刑訊而民無遁情後其子

棻視學楚北按試至郡咸歎循良有後德安府志

毛秉剛字鍊西江山人乾隆武進士嘉慶五年任宜昌左營游擊

以勦教匪功遷德安營參將追捕老林游匪屢有斬獲又於房縣

擒賊首李文魁後擢竹山營副將清史館傳

李大年字耆英阜陽人增貢嘉慶中以安陸府同知署德安府積案一空委鞠荆州屬邑爭洲獄一夕定讞署襄樊同知捕教匪擒其渠魁解散餘黨攝荆門州有婦殺夫以人縛而溺之告大年於婦室中得斷繩驗與屍繩截痕宛合一詰卽服時稱神明安徽通志周炳鑑字立庵諸暨人道光庚子進士咸豐三年知德安府時兵革相仍勸捐濟餉籌辦團防不遺餘力暇則投戈講藝作育寒畯增置書院膏火後調黃州知府采訪冊

黃式度字蘭丞善化人舉人同治間擢德安府知府勤於職守以勞瘁卒官式度初由巴東知縣調任江夏剔除漕弊甚爲大吏倚賴署漢陽縣時有夷目擊斃武弁賄以千金卻之論訖如律一爲荆門直隸州三爲蘄州其民咸有來暮去思之感采訪冊馬見龍河南人貢生乾隆時知安陸縣夏大雨山水驟漲郡城關

志百二十二

職官十六傳

庚

外半遭滄沒居民乘屋脊攀樹枝立高阜顛沛失所見龍覓舟載食往救之全活無算安陸志

萬成字選青滿洲鑲白旗人道光甲辰舉人咸豐三年署安陸知縣時武漢並爲賊陷郡中一夕數驚萬成練勇爲守禦計四年三月雲夢失守總督台湧以堵賊北竄退阻三關爲辭萬成泣阻不得逾日賊大至罵賊死之德安府志

吳宗孟字汝瀾寶豐人進士順治七年知雲夢縣清理賦役官私不擾時令民間養馬宗孟請捐俸代之時多盜設法捕緝殆盡俗好鬼境內多淫祠悉毀之雍正志

彭祖曙字葑菴順德人舉人康熙十二年知雲夢縣先是抽棉布捐助餉歲逾千金歷久多弊盡爲蠲免有屍逆流而上祖曙知其冤廉得其實罪人伏誅廣東通志

汪攀高字峻公廣寧人康熙十三年知雲夢縣時亢旱歉收請減賦三之一次年水災倡捐撫卹清田冊釐奸弊勘量楚潞軍田務使丁糧相準逋竄者治之黠猾無從著手

雲夢志

白彥良字淳齋無錫人康熙甲辰進士十九年知雲夢縣時里長最爲民累首禁除之邑故衝塗供具取諸市廛給以官價彥良悉予以市直商賈就業

雲夢志

葉居仁字存叔涇縣人進士雍正初知雲夢縣邑常患水居仁濬大小漏罐二河民不苦役易爲沃壤治獄平恕囹圄爲空

安徽通志

蔡振中字嵩若日照人進士乾隆時知雲夢縣邑向無書院有訟湖田者振中勸相讓爲書院膏火資遂市地建講堂齋舍不一年而成嘉慶初孝感教匪滋擾多與雲夢連時聶家橋有搜賊燒殺之事乃出示嚴禁凡爲眾所指目者開齋食牛犬肉卽爲良善敢

志一百二十二

職官十六傳

七

有害者以讐殺論有客舟過境爲盜所劫立捕其爲首者置於法

一邑帖服後調鍾祥縣

雲夢志

周士章上元人舉人康熙初知應城縣土產石膏稅有商欲爭入漢口士章力請歸本地徵解禁私派革火耗在任四載惠政甚多

應城志

魏定國字步于建昌人康熙辛巳進士五十三年知應城縣有賢聲鄰邑有訟爭往就決雲孝二邑民閉城罷市檄定國往治至則民皆遮訴馬前定國分別開諭眾遂定

應城志

李紘字巨川臨川人進士雍正時知應城縣民健訟紘日坐堂皇事立判遣無稽留者朞月俗革又白減石膏稅銀

江西通志

章光晉歸安人舉人乾隆末知應城縣嘉慶間教匪聚黃龍蕩擾亂襄郢聞德郡戒嚴應邑亦有賊黨窺偵光晉同教諭胡以耀等

晝夜登陴守禦莠民龔得方等沿鄉放火乘勢搶劫光晉命壯丁擒獲之梟以示眾邑中稍安

應城志

紀昌期文安人舉人道光十四年知應城縣勤於聽斷事至即決歲祲多盜躬造鄉村設立保伍盜賊爲之屏迹後調襄陽縣

應城志

李鴻雷字仲默長山人舉人順治三年知隨州時瘡痍未復鴻雷一意拊循立條鞭法以甦里役招復逃亡軍戶以實兵伍

隨州志

劉霽字潛夫保定人進士康熙初知隨州除荒賑饑修常平倉飭武備請豁免軍需二十萬後薦擢禮部員外郎

郭棻撰誌

盧崇義字照斗漢軍旗人康熙十三年知隨州時三藩未定徵餉絡繹崇義覈實均派民無重役之累

隨州志

黃鎮字緯真漢軍正紅旗人康熙三十九年知隨州始至吏以舊例茶果銀八百兩進鎮曰官甫履境而遽斂民財爲悅乎按戶還

志百二十三

職官十六傳

六

之閱糧籍見民戶散處輸納爲艱乃令額征不一兩者許同甲大戶帶完盡除一切陋規及市肆官價民歌頌之

隨州志

翟枚吉秀水人康熙中知隨州嚴保甲賊至即知蹤跡五十七年四月流民萬育生詐稱能致神兵聚眾爲亂燒民廬舍持梃刃大

噪徑趣州城枚吉將左右數十人出大呼百姓勿怖從我立取賊民聚馬首數千人枚吉馳入賊中叱從騎縛其魁六七日賊已

得矣汝曹皆脅從不問須臾賊眾皆散

王汝驥撰傳

韓養純河南人順治二年知應山縣繕守備輯流亡毛營餘寇走廣水盤踞興安寨養純請兵破滅之

德安府志

任啓元字復齋瀋陽人康熙二十九年知應山縣邑大旱啓元捐萬金設粥廠六所活民命數十萬革均攤之弊定官解之程立都

尉洪瑞芝祠置田以供其祀

應山志

張銷字子容蒲州人進士雍正二年知應山縣尋署隨州性廉敏斷事如流會秋糧畢吏以餘米告銷笑曰我無需此爾等良苦分以自潤可也

蒲州府志
隨州志

李龍中字霖公江南山陽人順治中授安陸府推官時南征措理軍需民不知擾又善折獄呂某被盜劫殺族有仇者誣其姪七元等七人辨其冤釋之宦僕楊貞誣告其幼主結正僕罪邑生王一驥家被殺十一命逃犯十餘載不獲龍中緝獲六人誅之袁彭年嫡孫被賊掠鬻為卒隸捐金贖歸使復袁氏

鍾祥志

馬逢皋字翰如宛平人副貢順治十一年任安陸府同知遷知府築隄障民田捐資賑饑弭盜安良善政甚多

鍾祥志

王興元遼陽人康熙中知安陸府值武昌裁兵之變叛眾逼境興元請荊州兵至駐郢挫賊前鋒郢民得以安堵

鍾祥志

志百二十三

職官十六傳

无

楊綠綬字公垂長垣人康熙乙丑進士四十四年知安陸府沔邑人兄弟爭產成訟各以賄求直綠綬諭以至情皆感悟求罷景陵民姪婦自盡令疑為姦民誣服綠綬訊白其冤有盜欲劫郡城中富室埋兵器於土中密遣邏者查獲之並擒賊數人人服其機智後署荊南道升按察司副使

陳儀傳
撰誌

楊和字聿修武進人雍正元年以諸生舉賢良方正任安陸府通判地多藪澤盜賊出沒和飭標兵於要口巡防獲則繩以峻法盜少戢

武進陽湖志

覺羅敦復鑲黃旗人生員乾隆二十七年知安陸府鞫獄詳慎七邑無冤民

鍾祥志

邢高魁字星槎湖南人舉人咸豐八年知安陸府實心為民勇於興利寬養善類嚴鋤非種巡撫胡林翼稱其治行為通省第一

胡文

忠集

覺羅同勳字偉卿正藍旗人同治二年知安陸府值捻匪由棗陽入境至長壽店居民徙避一空署內惟一執役者侍側同勳公服懷印端坐不動賊忽東竄危城克保鍾祥志

桂蔭滿洲人宣統初署安陸知府三年八月武昌兵起叛眾響應兵且至或勸之逃桂蔭不可遣僕媪攜其幼子回京而身獨畱有逼索其印以去者桂蔭知事不可為自經死其妻富蔡氏亦殉焉

采訪冊

佟養冲遼陽人順治十年知鍾祥縣政多寬愛臨民如對家人大兵駐牧豫備芻糗措置有方鍾祥志

白昆玉奉天人康熙二十三年知鍾祥縣詰奸禁暴積匪巨盜誅治殆盡時稱能吏鍾祥志

志百二十二

職官十六傳

三

許維楫武進人康熙中舉人二十五年知鍾祥縣裁兵夏包子叛大軍水陸兼進維楫籌餉安民措置甚裕鍾祥志

龔朝僕四會人貢生康熙中知鍾祥縣豐樂河及府城新隄馬頭河街官地租之民重為民累朝僕為之查懇抵補得以酌減鍾祥志

許光曙字曉東沅陵人拔貢同治元年署鍾祥縣每告期親受呈訴不中理者多所屏斥由是狙詐斂迹捐修書院撥置膏火寒峻賴之鍾祥志

汪武揚字我維黟縣人貢生順治六年知京山縣邑當兵火之餘力為安輯加意教養尤慎於用刑未嘗輕笞一人軍需供億調度有方民不見擾安陸志

侯康民字容菴海門廳人拔貢順治十三年知京山縣聽訟明決約束胥吏甚嚴築隄賑饑皆有惠濟之實京山志

李馨字蘭若狄道人貢生康熙七年選京山縣丞署景陵縣招徠流亡矜恤無告培植學校整飭里甲清覈田賦汰免贖錢邑人輯其善政為過化錄天門志

王尊三蒲州人康熙中知京山縣在任五載撫字有方邑糧舊無塊册以致偏重尊三清剔積弊民困就蘇京山志

曾鳳舉從化人康熙中知京山縣邑素苦隄工濫派會檄令按口加幫鳳舉率紳士巡視詳覈其役民閱悅服京山志

陳祖心字堯薪羅山人同治初知京山縣擒匪任賴二賊目大股犯城祖心登陴設防衣不解帶者一冬次年始解嚴時兵差絡繹那用錢糧銀三千餘兩祖心彌縫其闕竟無虧短捐截記規費以充寶興後調南漳縣京山志

韓國璽字晴嵐荏平人舉人順治三年知潛江縣大兵疊至軍需

志百二十二

職官十六傳

三

億計國璽身當衝難不以無名之費取諸民人不知兵潛江志

王又旦字幼華邵陽人順治時進士康熙七年知潛江縣邑中田賦徭役不均又且畫疆里稽戶籍察流亡覈詭匿以鄉規田以田均畝以畝定賦奸弊一無所容修長隄捍漢水建傳經書院築說詩臺以興起禮教後行取給事中復疏言湖北隄工協濟之害今荆郢分界治隄絕誘卸而專責成清史館傳參姜宸英墓表

朱軾字若瞻高安人康熙甲戌進士三十九年知潛江縣時有鬪殺獄總督疑為故殺斥令改讞軾持前議再斥再復如初詰責之軾曰令所據乃初招公所據訟師教唆之道辭總督怒將劾之軾曰畏劾而枉殺人令不為也拂衣出會巡撫劉殿衡至得解先正事略

陳天澤字士亮閩縣人進士道光時知潛江縣為政恩威並著喜獎拔士林多所成就後升鄖陽知府潛江志

耿醇玉字輝山邳城人舉人道光時知潛江縣有賢聲上官過境供具菲惡曰瘠民媚上不忍爲也上官知其清廉亦不之校潛江志

龔煥枝字幹亭南昌人道光癸未進士知潛江縣咸豐初粵逆再陷省城土匪蠶起縣城久爲水齧無可守煥枝募練團勇多方捍衛會荊州將軍調兵由潛進師煥枝籌餉接濟不之以功坐升安

陸府

潛江志

甯鳴玉字楚珍遼陽人貢生順治初知景陵縣緩征省刑流亡漸復潛江苦水患欲決泗港以鄰爲壑鳴玉力爭於監司止之天門志

李飛雲字步月華陰人舉人乾隆中知光化縣調署天門民女字壻而貧其父謀別嫁之喻之以義父女感泣願終好因資其壻與女導以樂而歸風俗爲歸厚憫愚民無知有麗法者往往貸其初犯人皆帖服天門志

志百二十二

職官十六傳

三

馬士偉太和人舉人乾隆時知天門縣每聽訟縱令觀者立堂下差役獲一人至謂之賭博士偉令其人疾行至數十步外役慮其去欲追之士偉笑曰賭博有伴汝放三人我放一人不可耶其明敏如此天門志

匡文昃膠州人乾隆進士知天門縣俗遇縊溺死者藉端構訟謂爲假命案文昃驗審畢當場訊結從不株累一人天門志

羅經字問堂南昌人乾隆進士由房縣調知天門值歲饑請活饑民民懷之無流徙者後擢武黃同知江西志

王澍字石臺天津人監生乾隆時署天門縣嘉慶初教匪猖獗蹂躪鍾祥京山閩澍多方備禦閭閻不驚又恐愚民誤入邪教以時申明約束俾歸正業境遂得安天門志

徐暢達字曉泉南部人舉人咸豐時以江蘇知縣畱楚署天門縣

有湖水涸淤出田數萬頃民爭訟不休暢達悉心平剖嚴杜侵漁
爭者遂息初賊平之後暢達督修省城文廟考求典禮置禮樂器
詳定執事章程廢墜俱興時下其式於各府州縣云同治中署武

昌府知府

天門志

冀如錫字公治廣平人順治丁亥進士七年授襄陽知府時多寇
警如錫繕城垣以固守圍賊不敢犯會吳三桂反大兵率馬隊南
下道隘不通如錫建議燒豹尾山毀望京城師行遂利

畿輔通志

陳賡泰字龍長天長人拔貢順治十年授襄陽府推官時軍興委
造漢江浮橋三晝夜告成十餘萬軍畢濟升德安府同知轉運軍
糧於荊州沅州等處任事三載不辭勞瘁

安徽通志

文義祥光山人康熙初任均房遊擊勇敢善戰嘗擊賊石碎顱骨
軍中號爲文破頭賊皆憚之琵琶灘之戰以五百人敗賊眾數千

志百二十二

職官十六傳

三

屢有功後擢均房副將

襄陽府志

尹會一字元孚博野人雍正甲辰進士五年知襄陽府有惠政調
署荊州會石首饑災民洶洶以浮言相煽動會一單騎諭之賑其
眾而置倡亂者於法事遂定九年荊州都統將兵西征取道漢江
飭造浮橋吏民惶急會一請以船濟時綠旗兵會集襄陽供具咸
辦軍憲而民不擾

先正事略

那禪滿洲鑲黃旗人副貢乾隆九年知襄陽府郡西檀溪故址久
堙地處窪下山水暴漲渰及民田爲開舊渠導之水有所歸蔡村
渡有巨木橫江舟行觸之輒覆咸以有水怪禪遣移之岸上卒以

無害

襄陽府志

江登雲字舒青歙縣人武進士任南漳營游擊地僻易以藏奸登
雲設法哨巡姦宄無所容弁兵有貸息於民者登雲禁革之

安徽通志

方懋祿字澄園元和人乾隆戊辰進士三十五年知襄陽府郡當秦豫之衝民剽悍喜佩刀出入懋祿下令禁之傷鬪爲減樊城本巨鎮莠民混集懋祿捕其魁置之法又於沿江添快船分段邏巡羣盜聞風遠遁三署安襄兵備道

金學詩撰誌

王鑑字光照定州人乾隆武進士任南漳營守備嘉初教匪踞縣西北之鳳凰山圍城三日鑑督兵擊走之又竄至縣西扼據峯險鑑分堵要隘並絕其水道賊窘遁去

畿輔通志

鄭敦允字芝泉長沙人嘉慶甲戌進士道光八年知襄陽府十年調署武昌府護督糧道未幾回任襄陽舊有鹿門書院重加修葺捐經費以資膏火訪緝訟棍懲治盜匪法無少貸倡建樊城石隄長四百餘丈躬親督役閱二年始成

清史館傳

王札字又季順天人拔貢順治十六年知襄陽縣有巨盜六人橫

志百二十三

職官十六傳

三

行劫掠札率健卒捕之擒其二疾追及之又斬其一餘爲從卒所執無倖脫者

畿輔通志

崔瑤字玉及太平人順治中舉人康熙十九年知襄陽縣革宿弊懲吏胥減徵耗米興學息訟邑有妖爲祟驅之不去瑤移牒城隍是夕妖絕

安徽通志

王翼孫長洲人任襄陽呂堰驛巡檢嘉慶元年教匪起黃龍塢翼孫亟爲守禦部署甫定賊大至翼孫迎擊斬賊目三人賊勢益盛乃令弓兵持印上府身上大橋罵賊爲賊所殺

洪亮吉撰墓表

錢允濟字雲起昆明人任呂堰驛巡檢兵後井里蕭條居民乏食允濟力請出常平倉穀改糶爲借設義學禁符咒惑人者均州民相訟允濟奉檄往查或以數百金賂於道斥去弗受

雲南通志

竇欲峻羅平州人拔貢嘉慶時知襄陽縣敏於聽斷有同寓者失

白金店主鳴之官驗無盜蹤執一人訊之不承於其牀下搜得之
某村民婦逐其雇工雇工攜鋤奔出而婦仆地死其家以毆殺報
驗之腰有一傷痕尖審視什處有石棱起與傷合非鋤傷也雇工
得免襄陽志

方大湜字菊人巴陵人諸生咸豐初入胡文忠幕游保知縣補授
廣濟時賊氛徧邇大湜守禦綏輯四境救安修盤塘石隄以捍江
漲調署襄陽始至飛蝗入境大湜親履田閔率眾撲滅三日淨盡
農民懽呼作方公好歌十七章以頌之同治八年升宜昌知府次
年夏大水饑民二萬餘人大湜賑恤有方民無失所調補武昌知
府擢安襄鄖荆道采訪冊

柯聳字岸初嘉善人順治己丑進士七年知棗陽縣值大軍駐郡
徵派草豆並修造戰船聳言本縣一歲額糧不過三千六百八十

志百二十三

職官十六傳

三

餘石今計所供料豆已踰五倍民困難支邑境皆陸地造船有四
難又言錢糧帶荒衛丁僉運之不便均得減免興學校課農桑士
悅民安治行稱最擢給事中襄陽府志

劉嗣煦字飛鳧閩中人順治辛丑進士康熙七年知棗陽縣時當
編審地糧他邑以溢額爲功嗣煦獨悉心覈查逃亡盡予豁除不
缺額亦不累民公私便之棗陽志

劉首揆字敘百廬陵人康熙時舉人知棗陽縣東安里有明楚王
莊田歲輸數倍額徵首揆請如今額以浮羨補其數民感之江西通志

王文楨鹽山人恩貢順治初任宜城縣撫集流亡勸墾闢均賦稅
時民苦輸納折色文楨請以本色徵解痛革踢斛淋尖諸弊除荒
徵熟民德之宜城志

胡永慶宛平人監生康熙二十一年知宜城縣除額外苛徵免越

站遞役差徭不擾民釋重累宜城志

徐昱字捧曦金谿人舉人乾隆末歷知宜都監利沔陽等州縣督

修萬城隄工訖稱善嘉慶初署宜城縣時教匪蜂起邑當衝要昱

募鄉兵三千人分守城廂內外晝夜巡警迹偶語者二人執而鞠

之皆與賊通者斬以徇涉河擊賊三敗之境乃安江西通志

馬尚德字敬六朝邑人道光十三年署宜城縣值旱蝗親屬吏民

捕除旬日淨盡災卒以弭宜城志

唐士傑遼東人貢生順治十年知南漳縣流賊盤踞西山出沒不

常士傑每挺身交戰賊勢蜂擁力不能支遂入署自焚死雍正志

湯家相字賓我趙城人順治己丑進士十三年知南漳縣時巨寇

盤踞近境城中危如累卵家相堅壁清野寇至謂守備徐必達秦

之仁曰寇眾我寡當效羅士信破盧明月法可勝乃密設方略寇

志百二十二

職官十六傳

美

墮伏中斬首數百級寇大創遠遁於是招徠流亡修復學校墾田

六百餘頃築永泉八觀諸堰用資灌輸民賴其利清史館傳

李樸壽光人康熙三十九年知南漳縣勤於民事教民種植因土

地所宜如胡桃棗栗之屬民得藉以資生襄陽府志

倪灝字會江桐城人康熙時知南漳縣歲請賑不待報即開倉

散給修泮宮建義學善政甚多安徽通志

潘綬藩貴州人舉人乾隆時知南漳縣開咸豐堰灌漑田畝民以

為便南漳志

王良弼平順人貢生順治三年知光化縣城中居民止十七家多

方招徠稍就安集流賊自襄趨鄖弼率士民竭力防禦且戰且守

賊始遁去康熙志

潘聖俞山陰人監生康熙二十二年知光化縣時承開墾之令招

徠安撫流亡復業稽查舊設學田俾為修學養士之資襄陽府志

劉楷恩縣人進士順治五年知穀城縣建學修署安輯招徠百廢

俱舉在任七載終始不倦穀城志

謝王鷺字振飛武進人乾隆進士由大治縣署穀城時教匪猖獗

王鷺兩守危城轉輸糧餉助擒賊渠再辦荒賑績皆居最武進陽湖志

謝士廷字邦幹奉新人乾隆進士知穀城縣教匪至境鎮將出剿

留兵不及二百士廷招募丁壯激以忠義遇賊擊之斬偽都督胡

英穀城志

安慶瀾字鏡秋聊城人進士道光二十四年知穀城縣編行保甲

治獄不事刑求親歷鄉野訪民疾苦有勸民俚語及醒愚說人服

而化之彭祖賢疏稿

佟國玉撫順人康熙二年知均州集流亡撫瘡痍免倉徭復學校

志百二十二

職官十六傳

三

時進剿郝賊籌應兵餉轉輸不匱先是里長苦民國玉以二十里

撮成四里每里約為十甲丁糧勻停一年輸一甲應之均州志

黨居易字子庸寶雞人康熙十年知均州撫流亡闢草萊裁冗役

罷里夫創養濟院以惠鰥寡建南陽書院以育人才一邑稱治均州志

志

江闔字辰六貴陽人康熙癸卯舉人二十四年任均州知州修學

宮及名宦鄉賢祠考正祀典築十君子堂進邑文士講藝其中弭

訟緩征時有江清無比之頌闢荒田八千畝有奇太和山銅像每

為盜竊嚴捕治之仿李崇一樓一鼓之制奸宄絕跡均州志

鄭偉豐潤人道光時知均州獄訟無株連馭胥吏不寒而慄值水

災饑民廩集代偉者亦至偉列狀上亟請發常平倉穀數千石平

糶代賑百姓歡呼屬道均州志

吳嗣仲保山人舉人咸豐初知均州值荒旱奸民劫掠誅爲首者眾以戢粵匪陷省城嗣仲亟修戰守具賊至圍攻二十餘日嗣仲機牙四應斬馘甚多賊遂遁均州志

呂秉忠字近槐遼東人副貢順治六年知鄖陽府時王光泰叛後民不聊生秉忠撫綏鎮守嚴備禦飭軍伍民始漸安舊鄖陽府志

王章炳字文虎通許人順治進士六年任鄖陽推官執法不撓民無冤獄時楚寇未平拮据防守郡以安堵舊鄖陽府志

高士清順治六年任房縣參將破姚黃逐劉二虎敗郝永忠等賊與崔士仁官永正薛宗臣諸將屢立戰功舊鄖陽府志

劉斌字太修上元人順治戊戌武進士授鄖陽守備調竹谿值吳逆來山賊遠相響應斌七戰傷賊千餘擢副將後以力戰死江寧府志

李燦然字含章涇州人拔貢順治十六年知鄖陽府時大兵勦西

志百二十三

職官十六傳

三

山賊燦然轉餉如期士馬飽騰而民不累舊鄖陽府志

許文耀海澄人貢生康熙九年任鄖陽府通判楊來嘉叛據房縣檄文耀往撫比至以順逆禍福反覆諭之賊不從遇害湖廣志

宋瑾遼東人康熙十三年任鄖陽府通判時洪福等叛據竹房閣瑾督運糧餉力守城池民獲安堵鄖陽府志

武愛奉天人康熙初任竹山營游擊時在鄖防守要隘賊由他道陷竹山縣城愛旋復之竹山志

朱綵高唐人康熙進士三十七年知鄖陽府興學勸農清查奸盜禁革加派郡中翕然稱治湖廣志

王朝彥常德人康熙閱由隊長補竹山營把總每從征勦同伍肆殺掠朝彥獨秋毫無犯老穉男女多所全活軍中號爲鐵佛竹山志

曾恆德福建南安人舉人乾隆四十六年任鄖陽知府鄖關權貨

或值水漲大船抵岸不易多致覆沒令以小艇報驗商人便之大旱與副將馬定肅率屬步禱甘霖立降又倡修鄖山書院多士奮興湖北通志檢存稿

李天林思安人嘉慶元年從征湖北教匪以功授鄖陽副將屢擒賊目剿興山房縣巴東賊皆破平之清史館傳

馬濟勝荷澤人武生嘉慶元年從征教匪戰竹山房縣功最多擢鄖陽游擊復剿賊於竹谿大破之於房巫境清史館傳

孫應奉永順人行伍嘉慶初任鄖陽鎮標都司隨總督倭什布追賊至竹谿界擒斬吳三美等旋赴竹山潘口偕總兵路超吉擒逆賊胡漢卿馮右林等屢有功遷漢陽營游擊清史館傳

崇善滿洲正白旗人蔭生道光初知鄖陽府歲大饑崇善捐廉賑卹募紳富相助所全活數千人鄖陽府志

志百二十二

職官十六傳

完

李宗燾字午山盩厔人道光甲辰進士咸豐九年知鄖陽府時書院廢弛宗燾復其舊並清理地租以資膏火尋調武昌府鄖陽府志

定熙字春圃滿洲鑲藍旗人同治元年任鄖陽府通判會川匪藍二順由山陽進偪鄖西定熙與縣令設法堵禦賊麋至陷上津堡

定熙糾集義勇會道員梁作楫唐協和總兵周有全兵復之采訪冊

金達字鐵珊桐城人同治五年任鄖陽知府倡建鄖山書院城西

北臨漢水伏漩爲舟楫患鑄劍一懸城牆鎮之其害遂息修城南隄岸百餘丈以衛民居采訪冊

許有麟字石卿仁和人同治戊辰進士光緒十一年任鄖陽知府首定錢漕釐浮收之弊治堰水補城垣修隄岸平糶賑荒學堂社

倉育嬰敬節諸政畢舉在任二十一年士民樂業地方安堵采訪冊

田萃植富平人進士順治五年知鄖縣時大亂初定瘡痍未起萃

楨教養撫字減其徭役殘黎乂安鄭陽府志

鄭晃浦城人康熙甲寅進士三十七年知鄭縣武陽堰積訟不決晃為量畝計水分上中下三堰按五日輪灌民服其平鄭陽府志

盧上進字闇思順德人舉人康熙五十二年知鄭縣邑界有五泉相連名曰五服泉分流散漫上進相勢瀦蓄分溝漑田泉旁地皆

饒昔時荒蕪者亦漸易為膏壤廣東通志

李承鑛大同人順治進士六年知房縣招撫流亡壯少歸業討山谷賊為賊所襲被執罵不絕口死山西通志

傅六吉臨川人舉人康熙三年知房縣時軍需旁午六吉運糧不匱修葺城署蒐輯志乘邑政一新鄭陽府志

雷化龍遼東人康熙十七年知房縣楊來嘉叛兵戍雲集人心疑畏化龍安輯鎮撫農商復業鄭陽府志

志百二十二

職官十六傳

罕

沈用將仁和人貢生康熙二十五年知房縣緩追呼減徭役時軍戶輸糧襄陽衛往返跋涉用將詳請設櫃縣中聽就近自輸軍戶稱便鄭陽府志

董雱字復齋鄆縣人監生康熙三十年任房縣知縣時募民墾荒雱以房未墾者皆下等磽瘠石田而賦額且將不償所出獨不應荆門大盜誣扳房民實不豫雱度事已上聞非所能抗乃遣房吏衛行既出境醉荆門之吏而縱之其人逃免其用心於法外如此全祖望撰傳

賈玩理陝西人監生乾隆時任房縣典史嘉慶初教匪攻城凡十八日玩理晝夜巡守傳餐而食城中無見糧玩理請發倉粟借民令不敢從玩理請以身任之開倉給米眾心益固會鄉勇四集援至圍解鄭陽府志

魏相臣字蓋宣甘肅人監生乾隆六十年由應山調署房縣嘉慶初教匪句結奸民謀不軌時城守單弱賊等萬餘人猝至圍城三而相臣率士民登陴固守相拒二旬遣人夜縋城閒道求援身督敢死千餘人夾攻之斬其魁餘黨悉就戮後擢知府初圍城時居民驚擾相臣妻計氏先投繯死

嘉慶志

黃詔字志鴻浙江山陰人議敘授九道梁巡檢地距房縣四百餘里與巫山大寧接嘉慶元年枝宜教匪起其黨伏戎於房者出圍縣城大小羅溪冷盤堦賊數千欲趨助之詔扼要守禦賊不得過出奇計殲其渠房圍以解二三年閔賊竄至者隨宜堵勦皆卻之四年七月賊由竹谿竄房川匪復自巴東入詔禦之雞鳴口賊大至詔中矛死妻王氏亦墜崖死之

房縣志 案志云詔有二子二女長子崇儒年十五次崇錄年

十一知府王正常召至鄖署教養之後崇儒兄弟遂家於鄖

志百二十二

職官十六傳

聖

秦錫疇字敘九金匱人舉人嘉慶初知房縣時賊氛甫靖嚴緝奸宄撫綏流民邑賴以安著有防堵紀聞十卷

鄖陽府志

謝泰字彙征大興人順治進士七年知竹山縣邑無城保鶯崖寨時川賊千餘人來攻泰率鄉勇卻之而楊明啓虎視日久泰乃盡徙民入寨與參將蔣崇武合兵先破泥灣寨擒其婦馬氏遂攻明啓取山後小徑夜入破其寨諸寨多降獨明啓遁復結劉二虎郝搖旗等帥萬餘人來攻泰泰移鐵壁蔣家寨固守賊遂連破虎伏半角二寨泰用閔以書擲搖旗營諸賊果相疑久之賊兵復入竹山破蛟龍樂豐諸寨直攻鐵壁泰築木城周山腹二十餘里爲長郭賊前攻者多中鉛子墮崖下後攻者泰自擊之殺賊六百有奇賊運竹箭填後塢夜取路泰以火毬照之發烏鎗輒斃數十人賊不得進二虎計窮乃與搖旗更迭攻守以困官軍泰潛使健卒赴

興安總兵求救陝師至秦夾攻之大破賊追至太平寨賊自投鶯崖河死斬獲無算秦前後與賊相持數十日一邑獲全敘功遷同

知盧見曾撰傳

劉建勳字樹堂貴筑人舉人道光九年知竹山縣調房縣裁革陋

規一介不取歲饑出倉穀減價平糶移天門縣房縣志

陳豪字藍洲仁和人優貢光緒初任房縣知縣案無留牘其無辜

牽累者按程給以路費適值歲旱會匪柯三江入境煽誘捕誅之

秦豫飢民至者賑粥濟之發倉米平糶民皆安堵補葺城垣籌置

書院膏火田後補漢川亦多善政房縣志

賈待聘夏縣人康熙甲辰進士知竹山縣時縣治初離兵革待聘

始至有善政遠邇歸附鄭陽府志

王銘琮江寧人舉人乾隆十二年知竹山縣民婦訟盜殺其夫銘

志百二十二

職官十六傳

星

琮跡驗非是睹屍所立一人色可疑問何籍曰山東問何業曰竹

工召之入署治竹詰其右手傷以誤運削對銘琮曰此齒痕也汝

縛殺某爲所齧耳其人駭然罔措訊之果姦殺也袁枚撰墓誌

范繼昌字瑞五上虞人嘉慶初以縣丞隨軍來竹山勦賊克復縣

城遂知縣事時賊氛未靖繼昌練鄉勇千人分守要害邑土城傾

圯殆盡繼昌捐廉修築及寨堡百餘處事平修學宮書院公署及

各壇廟義倉義學養濟院皆一新之歷知鶴峯崇陽鄖西等州縣

道光初復任竹山卒於任鄭陽府志

徐京陞安義人貢生康熙十八年知竹谿縣兵事初定苗民雜處

不相習京陞遇事開導相率馴服民間不解造水車久旱輒困京

陞下車式於民曰是民知引水之利江西通志

翁喬年字思敏錢塘人副榜康熙四十八年知竹谿縣政尙寬簡

不事煩苛斗斛權量皆置有定程入市無欺竹谿志

宗超海字駿菴贛縣人舉人乾隆六十年知竹谿縣嘉慶初教匪

起超海練兵守禦獲聞賊齊尙弼等二十六人斬之賊聞內應洩

不敢遽犯會陝西總兵文圖率兵千人來援超海會戰斬馘甚眾

邑賴以安嘉慶志

夏廷樾字憩亭新建人道光初以縣丞歷署通山咸寧黃梅大冶

等縣有聲補竹谿縣未行適崇陽土匪鍾人傑陷蒲圻通城總督

裕泰欲合兵大舉殲之廷樾力請予限三日令自縛逆首歸命乃

請總督示往諭散其黨次日果縛人傑出三城立復江西忠義錄案敘事稍

異乃傳聞之誤

金玉堂字森亭三台人舉人咸豐初署鍾祥縣三年知竹谿縣調

房縣時襄陽匪徒竄房玉堂見城垣冲塌不可守急率居民入山

志百二十二

職官十六傳

聖

寨籌集兵食賊退玉堂倡資築城旬日而工集鄖陽府志

賀繩烈紹興人進士順治四年知鄖西縣時大亂甫平繩烈招撫

遺黎各安耕作設鄉約令民知義鄖陽府志

薛載德山陰人監生康熙十八年知鄖西縣時兵燹學校久廢載

德亟勸士子就學免其徭役乃家有弦誦焉鄖陽府志

王養琇字睿公漢軍旗人康熙三十五年知鄖西縣縣北千工隄

堰久圯田亦榛蕪西山六寨時以遺糧賠累養琇督工修堰開墾

蕪穢移補西山遺糧民無偏累賦亦足額鄖陽府志

岑映奎字凌山凌雲人乾隆三年以通判借補鄖西縣邑加新賦

倍於舊額屢請核減多格於上會撫軍崔紀蒞楚映奎與竹山縣

令悉心議詳並得減十之四民德之舊鄖陽府志

馬垣字龍山英山人歲貢乾隆八年知鄖西縣獄有死囚三人疑

其冤覆訊得實力請釋之鄰縣大案多見委鞠平反甚多安徽通志

黃澄奉新人進士乾隆三十三年知鄖西縣時征緬用兵差役旁

午澄從容飭備不以一毫累民鄖陽府志

孔繼楨字雱谷曲阜人貢生嘉慶十二年知鄖西縣時教匪倡亂

繼楨率兵防勦獲齊王氏於七里峽尋請抄查逆產撥資書院膏

火從之鄖陽府志

翁吉士字惠農侯官人舉人咸豐二年知鄖西縣時粵匪告警吉

士修築堡寨團集練勇備禦有方鄖陽府志

瑞存字誠齋滿洲鑲黃旗人進士咸豐初知鄖西縣時邑以練勇

構釁奸宄四起瑞存親擒六人置於法亂隨以靖旋調竹山鄖陽府志

梁懋齡字心園汲縣人舉人咸豐九年署鄖西縣勤政恤民同治

元年粵匪餘黨竄鄖西懋齡嬰城固守賊掘地道轟塌城垣懋齡

志百二十二

職官十六傳

器

巷戰死闔門殉難采訪冊

金國明漢軍旗人康熙十七年知保康縣撫治凋殘調和戍卒安

靜無譁百姓德之鄖陽府志

韓衍槐汾陽人監生乾隆中知保康縣廉平善斷郡屬疑獄多委

決焉辦軍需平道路葺館舍捐廉從事惟恐擾民鄖陽府志

張敦素棲霞人舉人順治五年知荆門州招集流亡勸墾田畝清

里甲催逋賦勤而不擾荆門州志

鍾韻遠漢軍鑲紅旗人監生康熙三十六年知荆門州入境訪民

疾苦勸課農桑捐免逋欠雪冤獄懲積匪城中夜不閉戶荆門州志

舒成龍字御夫任邱人乾隆初任荆門知州始至革里書給花戶

易知單俾知正供實數建申明亭設正副約長以教民遷善修沙

洋隄前被水衝民田所有正賦力請豁除荆門歲運漕南二米成

龍請荆門代黃岡運南以黃岡代荆門運漕民省苦累建州豐後
盈二倉令四鄉皆立社倉以備凶荒陞平樂府同知闔州士民乞
畱得旨俞允成龍益思興學立教乃表老萊子故里修陸文安祠
立全忠祠祀明末殉難諸臣創龍泉漢上內方三書院龍泉在象
山下得地尤勝復倡修州志禮高年旌節孝教化大行涖荆十二
載遺澤在民爲人所思

荆門州志

張琴字繹同永平人舉人乾隆中由知鍾祥縣遷隨州署荆門直
隸州嘉慶初教匪滋蔓當陽告急琴赴救未至偵知州中有匪潛
與賊通謀乘夜攻城中途遄反賊不敢發會川匪竄擾至當遠境
琴外辦大營糧餉內飭防守晝夜不懈賊首張漢潮率黨數千來
犯攻東門琴以大礮擊之賊多傷死始退招集流亡民忘其亂後
歷任德安荊州同知

畿輔通志

志百二十二

職官十六傳

罷

呂恂字瑟堂房山人舉人道光閒知荆門直隸州訟有株連者概
不傳問士子涉訟必多方諭解之嘗曰株連者皆挾嫌圖報復欲
破其家否則刁頑之人干預唆弄置之詭計自息若士子宜勸導
鄉里使無爭訟而自履公庭尙能式化愚民乎後卒官州人思之

荆門州志

蔣照字文若甘泉人舉人咸豐閒巡撫胡林翼檄調來楚委辦糧
臺同治初署荆門直隸州抵任卽置土棍數人於法捻匪擾京山
鍾祥皆與荆門毗連照督同團練添募義勇並於沙洋駐泊礮船
賊知有備不敢至州境蟲旱米價翔貴發州倉積穀減價平糶民
以不饑

荆門州志

李棟字紫藩宣城人道光二十六年知公安縣縣濱大江頻遭水
患請賑者皆以隄工代老弱無所與棟獨具乾餼徧給之收養遺

嬰數千咸豐初歷署孝感鍾祥等縣時粵逆犯楚土寇蜂起標簡練民壯千人應時討捕擒劇盜馬騾子郭大安蓋天王等以功擢荆門直隸州調署江夏知縣粵賊林鳳祥南走水陸萬餘人迭陷黃安麻城榘率兵扼諸江口大敗之追至羅田殲賊幾盡仍敗別賊於下倉埠三年八月防守田家鎮會前軍督糧道徐豐玉漢黃德道張汝瀛師小挫榘往赴急四戰皆捷獨以八百人渡江追賊至富池口賊知後軍不繼反戰環繞榘且戰且走軍陷於淖猶奮力死戰手刃數賊賊支解之采訪冊 按榘升荆門州未任故表不載孫茂槐萊陽人順治初知當陽縣招撫流亡遠邇懷附有蠹民者立予之杖土賊周國西等踞百寶砦爲患茂槐勦平之當陽志

李遙字邇齋睢州人順治己亥進士康熙十三年以薦赴湖廣軍前補當陽知縣時軍需旁午縣產煤當事以兩章京督採每虧其

志百二十二

職官十六傳

吳

直遙據實申報兩章京誣以庇煤戶順承郡王統軍駐荊州聞之怒遙單騎至荆上謁王盛氣以待遙詞色無撓縷陳民間苦狀王乃改容謝之稱曰良吏邑困以蘇未一載告歸當陽志

鄒允颺字彥康青浦人貢生康熙二十五年知當陽縣自軍興以來一切咸取於民胥役土豪聚窟其中積四十年允颺痛革其弊賦稅銀米聽民以時自納無加耗無私征其奏銷公費及奉派雜項皆自爲償之夏包子倡亂縣屬深山叢薄舊時裁兵散處其間人懷觀望允颺召諭之給以資糧編爲什伍分扼險要人有固志

王祖撰傳

衛肅字伯恭濟源人乾隆甲戌進士知當陽縣時大軍過境藩司親駐荆門責應芻糧甚亟肅往見反復辨論得減十之五六傳諭各鄉總廉正紳民代辦不假胥吏數日事竣士民悅服當陽志

汪雲銘仁和人舉人嘉慶初知當陽縣時川陝教匪出沒無常雲銘率鄉團防守親相地勢督修堡卡有警給以軍械火藥人自爲戰與官軍相犄角賊再至不敢近荆門州志

蔣遇春宜興人嘉慶時知當陽縣時教匪初平遇春加意拊循課

農桑平訟獄實惠及民民愛戴之荆門州志

董文煜字質生朝邑人舉人道光閔知當陽縣建考棚置賓興士

林誦之咸豐初境內土匪不靖文煜誅其首亂者一邑肅然荆門州志

宋楷字素我夾江人舉人乾隆三十一年知遠安縣蒞任十載多

惠政待士民如家人父子嘗曰國課早完處女早嫁屈死不告狀

餓死不賣田爾曹切記之遠安志

紀煥廠字蘊亭獻縣人舉人道光時知遠安縣邑旱米價日昂有

請平價者煥廠但禁閉糶曰價高遠商自來富者積穀又出不禁

志百二十三

職官十六傳

七

白平矣後果不饑荆門州志

李葆樹字椿陞濟寧人進士道光時知遠安縣咸豐初奉檄籌辦

團練建樓浚濠修補城垣守備以完荆門州志

耿應張字覲宸襄城人順治初進士授荊州府推官時興歸一帶

久爲賊據應張設法招撫人心胥靖委權荆關汰革陋規一塵不

染河南通志

金雲鳳漢軍鑲黃旗人康熙初任荊州府通判時軍興旁午詳請

發銀雇夫不派民戶冒暑督運勞瘁不辭弭盜釐奸尤爲明決雍正志

志

王燕徵字幼玉安肅人順治初拔貢康熙七年任荊州府同知時

會勦西山燕徵督餉賊出沒無定他運者多失餉惟燕徵得人心

顆粒皆濟畿輔通志

魏勳字蒼霞趙州人康熙二十六年知荊州府在任十三載建各屬倉廩百五十區代償江陵貧民逋賦五千餘兩通志

陳廷策字元敷遼陽人康熙中任荊州府同知司樞務釐弊恤商課額以完築黃潭隄措費督工隄成爲荆永利時旗民雜處常有鬪爭民不能自直廷策輒見將軍陳狀令鞭卒以徇旗兵斂戢會夏逆據武昌大軍雲集芻芡糗糧百需取給民不知擾賦平隨軍入武昌金帛山積廷策簿錄上之潘未撰誌

邱天英渭南人康熙四十九年知荊州府置地作義冢平自荆入蜀道險善政甚多雍正志

孫廷璧順天人乾隆時武進士任荊州營參將荆門州土匪孫大有等聚眾擄掠廷璧會同荊州府蘇長齡帶兵討捕擒大有立散

其黨清史館傳

志百二十三

職官十六 傳

哭

張方理字雪筠乾隆舉人知荊州府因事去官嘉慶初教匪滋蔓總督畢沅奏調得回任破當陽城中賊釋被脅難民數千人會川匪擾江陵又值歲荒方理選練健勇數千分守要隘建設粥廠招集流亡境內獲安通志

陳均遠字竹穆榮縣人候補縣丞在襄陽緝捕有功歷署漢川崇陽江陵等縣會粵匪陷岳州監利石首等縣相繼沒荆郡土寇乘勢蠱起多者萬餘少者千餘均遠設法防禦動中機宜又請雷雲南王佟二鎮兵分道剿賊遂有龍陂橋浩子口之捷以次收復監利石首等縣又同林天植李光榮二軍會大兵同復鄂省凡賞犒軍需皆均遠主之後署荊州府卒官王柏心撰誌

唐際盛字蔭雲善化人咸豐八年以軍功授荊州知府時東南賊氛未靖荊州一隅尙完際盛清丈馬廠閒地召民墾種爲駐防兵

歲增餉銀三千五百餘兩地棍梁大華盤踞沙市結黨橫行際盛
購拏誅之一郡肅然又馬鉦袁憲鈞倡亂際盛調團營勦平之游
升湖北按察使荆州府志

恆琛字獻之漢軍正白旗人生員咸豐時署宜都縣甫逾弱冠明
習吏事歷任枝江江陵江夏等縣補大冶調黃岡擢荆門直隸州
再擢荆州知府水災歲歉籌賑濟卹流亡民不失業守荆五載治
尙安靜而懲治囤戶痞匪獨嚴采訪册

郭應弼漢軍鑲藍旗人監生康熙三十三年知江陵縣有甲與乙
爭田其友受乙金爲關說應弼廉得其情償乙金平所訟田與甲
友慚遁荆州府志

董鉅字子駿豐潤人貢生康熙四十年知江陵縣清查田賦有有
地無糧者有有糧無地者一皆澈查爲之抵補輿情翕然畿輔通志

志百二十二

職官十六傳

完

何師軾錢塘人進士乾隆初知江陵縣潔己愛民不輕笞杖邑有
盜師軾多爲耳目嚴捕治之僉謂其寬以濟猛荆州府志

丁鳳梧處州人嘉慶時官郝穴主簿江漲吏民奔避鳳梧立最險
處誓以身障隄隄竟得完江陵志

沙心培字正之江陰人道光二十二年知江陵縣張家場隄潰流
民集沙市訛言洶洶心培親諭富民醵金萬餘助賑分設粥廠至
來年麥熟止尋調江夏臨去捐義塚地並倡捐育嬰堂江陵志

雙穗字薌圃四川駐防鑲白旗人舉人道光時兩署東湖縣長於
折獄有清如水明如鏡之頌補江陵縣時有徵派雙穗以民力拮
据啓大吏免之荆防與武昌商民構釁雙穗好語拊諭戒勿相鬪
商民不忍違時號雙青天江陵志

趙希階字二徐南豐人康熙三十三年知公安縣地苦盜希階得

其淵藪掩捕皆服辜

荆州府志

孫鴻淦興縣人進士雍正元年知公安縣時水災民多流亡鴻淦輸米五百石賑之又勸富民出粟流移皆復

公安志

鳳翔滿洲旗人乾隆間以荆州理事同知署公安縣培植士林捐俸置產以爲諸生膏火

公安志

王大年字清海錦州人順治十年知石首縣招集流民墾闢荒土至者如歸

荆州府志

鄧士燦長洲人雍正七年知石首縣檄查荒缺錢糧親履四鄉開除崩卸田地三千二百二十二頃有奇糧無懸額民無苦累後升

荆州府

石首志

葉治字平階天津人乾隆進士知石首縣邑黃水套素爲賊藪悉力緝捕獲楊德龍周士虎等十二人置之法調署鍾祥擒大盜劉

志百二十二

職官十六傳

辛

潮等戮之民賴以安又調鄖縣值白蓮教起保康竹山失守治白

知府募勇守禦市有賣竹箒者數十人治曰此賊所爲也悉捕擒之獲僞千總孫得勝賊絕內應不敢發俄賊復由陝侵鄖治扼守

火車嶺賊至大破之賊屢犯郡城卒以無恙

滄洲詩鈔
畿輔通志

楊松磐字春巖浪穹人進士道光中署石首縣居官清苦林文忠則徐按部至供張不具林喜曰吾固夙聞楊君清今果然

石首志

黃光彬字質軒福清人進士知石首縣咸豐初粵匪犯境光彬迎擊於黃蓋山下斬馘甚多賊大股繼至光彬星夜赴郡乞援以川

勇東下屢破賊眾

石首志

蘭完瑄字觀玉蒲城人崇順癸未進士順治六年授監利知縣入城招撫大施興革除蠹惡息詞訟給牛種墾荒禁火耗及一切陋

規築江隄修城垣建學宮修縣署初從入城者民數百家再期幾

至萬家監利志

李有倫豐潤人進士康熙四年知監利縣時進討吳逆師由監利有倫請於軍帥凡芻牧之場乞蠲其租賦荆州府志

羅綬遼東人雍正元年知監利縣歲饑捐設粥廠貧民就食者眾有乘饑聚盜劫奪者綬縛其渠魁治之邑恃以安荆州府志

楊有恆清江人拔貢嘉慶時知監利縣邑糧舊無定額吏胥包攬民受其害有恆嚴禁革之一切陋規裁汰殆盡監利志

徐文灼漢軍旗人咸豐四年署監利縣時賊竄擾不常所在兵勇强悍難制文灼任籌糧糗戒令勿擾民以安堵監利志

王瀚江蘇人咸豐十年署監利縣有豪族與何姓訟不勝遂造蜚語謂何姓習教聚黨謀為賊應府檄弁兵率礮艇至何村掩捕八十餘人瀚方巡隄聞之馳往研訊廉得其情盡釋之監利志

志百二十三

職官十六傳

至

謝蘭字蓀浦安岳人拔貢咸豐時歷署宜城江陵監利等縣皆著循聲監利大疫蘭設醫局診藥並施活人無算監利志

祕延瑞故城人舉人順治三年知枝江縣時盜賊充斥延瑞捕其魁應時解散撫輯殘黎墾荒田四百餘畝枝江志

田禹稼禹州人貢生順治十五年知枝江縣時大水禹稼開倉發賑蠲免徭役又投誠安插枝土者計口給粟全活甚眾枝江志

楊于果字碩亭秦安人乾隆庚寅進士選授長陽知縣歷任漢川枝江棗陽南漳穀城凡六邑所至以節儉自勵知枝江時值教匪

起一日株逮八百餘人至于果曰事無左證豈無冤陷者為廉出三百餘人釋之自川楚用兵州縣恆慮乏興于果事獨治辦供頓

挽運民不知疲陳預撰誌

朱啓鴻字少香臨桂人進士道光二十三年知枝江縣咸豐初粵

賊日熾上書巡撫常大淳謂湖北防堵宜力守岳州使賊不得越
洞庭湖中漁船商船皆熟知水性宜招為水師不可棄以資賊大
淳不能用發憤病卒方宗誠撰誌

屈超乘字邇繩閩鄉人順治己亥進士授松滋知縣省夫役恤郵
驛課農教士周民疾苦捐俸葺城池營官署市肆熙熙流亡復業
者十之七八奉檄丈公安田吏民不能欺一時田稅秩然楊端木撰墓誌

韓乾元咸陽人舉人嘉慶二年知松滋縣教匪充斥乾元嚴密訪
拏縣境以謐歲禮請蠲賦且發廩賑之部分有條無誘而從賊者

松滋志

石煦樂城人拔貢道光四年知松滋縣善聽訟嘗一日決獄四十
餘發摘如神由是黠猾斂迹後擢荊州同知松滋志

汪維誠字詡夫宿松人舉人咸豐九年署松滋縣邑濱江隄潰力

志百二十三

職官十六傳

至

請緩租聽訟立斷庭無冤滯鄒李二姓爭水利二百年不解維誠
一讞即平王柏心文集

馬廷贊字君襄永平人順治初進士八年知宜都縣時楚地初開
捐給牛種躬勸農桑闢地五百餘頃畿輔通志

孔斯和澤州人舉人順治初知夷陵州值州城新破與總鎮張大
元籌畫兵食撫字瘡痍罔不盡心宜昌府志

李進臣宣化人守備署夷陵鎮標水師游擊康熙元年西山賊李
來亨據歸州巴東諸隘進臣率兵迎戰龍馬溪賊敗退聚香溪進
臣進攻之焚其棚百餘所歸州巴東盡復尋受傷殞於陣畿輔通志

楊國聲萬全人拔貢康熙初知長陽縣擢夷陵州除錢糧火耗捐
鋪司工食民困大甦宜昌府志

馬之迅字敏仲長治人順治武進士康熙初任夷陵中營游擊滇

兵至湖湘鎮帥悉精銳南下雷之迅及老弱數百人守城未幾川寇逼城下之迅乘城拒守募奇兵自出臨賊免胄奮擊追殺數十里之迅亦被傷創甚卒

雍正志

嚴宏字公偉常熟人康熙初任宜都營游擊斬吳三桂僞使擢夷陵總兵時州城新沒又值譚洪據保寧叛宏之任以忠義勵孤軍人有固志出奇擊賊以通餉道招撫逆黨亦逾萬計

宜昌府志

袁純德字松泉泰和人舉人乾隆時任宜昌府通判郡濱大江舊立三卡稽查私販為豪猾把持行旅嗟怨純德痛懲之後無敢逞

遷岐亭同知

江西通志

王春煦字紫宇婁縣人乾隆乙未進士五十七年授宜昌知府嘉慶元年川楚教匪滋事春煦團練鄉勇且守且戰賊首林之華等聚眾二萬屯據長陽縣之榔坪游擊邱作訓知縣黃應文赴援被

志百二十二

職官十六傳

五

害春煦疾至長陽率練勇守孤城者六閱月殲賊無算城卒獲全

松江府志

烏爾卿額滿洲鑲藍旗人乾隆六十年任宜昌營游擊隨勦當陽教匪以功擢參將又於竹山興山遠安等縣勦賊擒斬甚眾後擢

施南副將

清史館傳

謝登雋字金門祁門人舉人乾隆時任宜昌府同知教匪滋事以團練從征勦有功升宜昌知府絕請託罷供億時稱為冰壺太守

安徽通志

金之忠字啓忠桐城人嘉慶五年知宜昌府川匪竄入郡境之忠以團練防堵有功旋署荆宜施道

嘉慶志

陳熙晉字西橋義烏人優貢道光二十二年知宜昌府會大水諸郡流民麋至熙晉給資散遣來者益眾乃令繕修城垣募集其資

以工代賑代至猶留數月工葺乃去

宜昌府志

姚震榮字小舟餘姚人候補同知咸豐初巡撫胡林翼委辦歸州新灘灘務先是近灘莠民值商船之上下者爭爲之引水放灘聚眾千百勒索重資否則阻滯使不得行舟人苦之震榮至得首惡數人請誅之爲立章程董以公正紳耆立案勒碑其患永革旋署

宜昌府同知

宜昌府志

曹立全咸豐時任宜昌守備性樸勇營規極嚴賞犒悉以予士卒人樂爲之用獲巨賊馬正元馬爲正等

采訪冊

何學青番禺人乾隆時歷署長陽鶴峯州縣有政聲補東湖知縣會教匪倡亂學青募壯健繕戎器乘城防守嚴寒風雪中弗懈已而大兵雲集供億無乏

宜昌府志

李惟清大興人舉人嘉慶初知東湖縣從勦灌灣腦涼山黃柏山

志百二十二

職官十六傳

五

等處教匪後奉檄防堵興山保康要隘均有勞績

嘉慶志

曹熙衡遼東人康熙時知歸州明季城邑屢經兵火士民離散熙衡闢草萊披荆棘撫流亡課耕立學歸者各復其業

宜昌府志

夏念祖字禹洪休寧人乾隆初任歸州典史巨盜張洪順兄弟肆行劫掠念祖易服往捕盡獲之申院司盜供狡賴不承乃禡念祖職而釋盜逾四年盜又他發念祖得還原官

安徽通志

李忻宛平人舉人嘉慶閏知歸州城中無井忻開溝引泉入城民食其利又倡建丹陽書院

宜昌府志

徐文達金壇人貢生康熙四十八年知長陽縣士蠻憚其威修廢舉墜百度惟新

宜昌府志

蔣振萬字虎臣懷寧人貢生嘉慶元年以縣丞署長陽縣教匪偪縣城振萬懷印潛夜縋出走各村糾鄉兵擊賊敗之又隨大兵擊

賊於聶家河焚王母洞賊巢殺賊無算又攻陳家湖及灌灣腦各處賊皆破之

安徽通志

范炳監臨汾人拔貢道光十四年知長陽縣邑南有盜劫傷事主匿宜都之什方炳監馳往出其不意掩執之無倖逃者

長陽志

胥遇上元人康熙時知興山縣時李來亨初平遇至招撫勸墾創縣署修文廟瘞骨骸收養孤寡在任十年擢襄陽同知調赴荊州治軍需家屬仍畱縣城吳三桂偽將王鳳岐率眾奄至將屠其家縣民環泣以請得免後補荊州知府

興山志

汪思蔚字慶雲黟縣人貢生乾隆時知興山縣民曾姓者因命案疑繫已承招矣思蔚復加研鞫竟白其冤

安徽通志

朱宗騰字潛庵博白人知興山縣教匪犯境宗騰駐兵游家河夜促居民徙避踰時賊至掠無所得大軍駐縣內饋餉無乏皆宗騰

志百二十二

職官十六傳

五

力興山

志

劉耀藜字翰青清平人道光中知興山縣勤恤民隱作息訟歌以諭鄉民課民種桑西關外人號劉侯桑

興山志

劉瓚字靜齋阜陽人貢生同治九年代理興山縣涖任三月判積案一百有奇縣東開東山學田里胥隱占有年瓚清釐復之

興山志

蔣希古江南人康熙初知巴東縣寇難初定全境邱墟希古撫慰勞來流亡復業編保甲墾田畝建學置社百廢皆興

宜昌府志

戴聖哲字明甫祿勸人乾隆舉人歷署蒲圻雲夢兩縣及歸州所至有聲嘉慶元年知巴東縣地與川省毘連教匪不時滋擾聖哲督率義勇防守兼籌運軍火糧餉以勞卒

嘉慶志

王清遠定遠人乾隆進士三十年知長樂縣惠民愛士詳請設學定額捐俸修學宮

長樂志

楊世銳清江人進士嘉慶初知長樂縣時教匪竄入邑之白溢寨

世銳集鄉勇堵禦賊自退去在任三載頗著政聲宜昌府志

毛峻德良鄉人雍正時以安陸通判委赴容美辦理鎮撫事宜即

授新設鶴峰知州設條教以變蠻俗六年政成乃以改土始末編

宜昌府志

為志乘後升宜昌知府

李林大興人監生乾隆十八年知鶴峰州每召鄉父老詢民風課

農業勉以親睦為善良之道時改土未久人文固陋林捐建義學

宜昌府志

三所延師訓迪課其勤怠由是州人始知嚮學

方天葆泰順人拔貢乾隆三十一年知鶴峰州前任吳世賢詳請

設學檄下核查天葆復詳奏設學額八名在任數年政通人和後

調隨州宜昌府志

吳煥彩南安人進士乾隆四十八年知鶴峰州舊案積滯煥彩剋

志百二十二

職官十六傳

季

期傳訊日鞠數起剖決如神踰月訟息置頑莠於法民無游手

宜昌府志

府志

黃德薰字子陶南充人舉人道光時署鶴峰州清理積牘訊斷持

平咸豐元年知興山縣捐廉課士建文昌宮奎星閣設縣河響灘

兩義渡民不病涉親課農桑教以糞田諸法行保甲以息民訟在

任四年囹圄空虛

宜昌府志 興山志

徐尙謀江南人武進士康熙四年任施州衛守備闢草萊招流亡

分給牛種次年方責其租稅

施南府志

涂漢嘉潮州人雍正時任施州衛守備諸生鄉試乏資漢嘉輒佐

其費時稱之

施南府志

田三樂深州人貢生雍正八年知荊門州升漢陽府同知乾隆元

年知施南府詳請宣恩來鳳咸豐利川四縣土童另編新號附恩

施縣一體考試四縣取一二名暫隸恩施縣儒學施南府志

李經芳趙州人舉人乾隆四十八年知施南府地瘠民貧士疏於

學學使皆駐宜昌調考經芳拔其尤者二人申送考試施南有選

貢自茲始畿輔通志

樊繼祖三臺人輕車都尉任施南協副將嘉慶元年教匪竄擾來

鳳利川境繼祖率弁兵合鄉勇會剿賊敗去施南府志

譚光祥字蘭相南豐人進士嘉慶時知施南府時川匪不靖光祥

募團練清保甲民恃無恐恩施大猾高齊周等久為民害光祥擒

治之一時稱快江西通志

王協夢字松廬德化人嘉慶進士道光十三年知施南府地界蠻

峒禁民帶刀劍值歲饑眾情洶懼協夢擇荒政切要者行之民賴

以安施南府志

志百二十三

職官十六傳

七

鹿驄豫字介石阜陽人貢生雍正中投沔陽州判捐修江隄時稱

鹿公隄乾隆初知恩施縣革陋規端士習扶弱鋤強幾於無訟移

署來鳳添設卯尚義學給師生膏火銀安徽通志來鳳志

尹英圖字毓鍾蒙白人乾隆進士知恩施縣嘉慶元年教匪滋擾

英圖生擒首逆朱德洪等別破賊殲賊目陳耀川湯允禮楊秀隆

等以功尋授施南知府雲南通志

任海晏字靜波陽武人拔貢道光時知恩施縣邑有土匪聚眾滋

事海晏訪得其實捕獲五十餘人並寘之法四境以安施南府志

多壽字靜菴蒙古鑲藍旗人附生知恩施縣凡前後三任咸豐間

粵匪陷來鳳多壽諭鄉民力行團練保甲獲謀及土匪通賊者七

十餘人盡誅之賊懼不敢復窺境歷署天門棗陽黃陂黃梅等縣

均有政聲荊州駐防志

陳寀漢軍正藍旗人乾隆元年知宣恩縣縣新置庶事草創井然有條在任六年邑民懷之施南府志

曹芳祖新建人吏員嘉慶初任宣恩縣典史教匪擾東鄉芳祖率鄉勇保護縣城日夜巡邏未嘗稍息賊知有備不敢近施南府志

蘇于洛湯陰人進士乾隆末知宣恩縣教匪陷來鳳邑屬賊黨欲應之于洛誘擒其魁餘遂就撫嘉慶志

鄭士楷字元圃鳳翔人舉人道光時知宣恩縣歲饑發官穀二千石充賑後以家資買補之施南府志

于執中字君敬昌邑人雍正初署恩施縣熟悉苗情民土相安時散毛等猶未歸流既改土設縣乾隆元年遂補來鳳縣一切規建皆執中所定以學官未設捐置縣城及大旺義學二所並田四十餘畝以資膏火來鳳志

志百二十三

職官十六傳

五

張冲字卑牧太康人雍正癸丑進士乾隆七年知來鳳縣有善政縣境西南多旱田冲浚量水源以資灌溉田皆倍收來鳳志

康又民泰和人拔貢嘉慶初知來鳳縣川匪林之華犯境又民禦之於老鴉關賊知有備逸去乃增築土城以為保障來鳳志

丁周字星舫醴陵人嘉慶戊辰舉人以知縣發湖北初署蒲圻土豪葉三者陷人重罪周廉其枉釋之密捕三置之法邑頌神明補

應城調來鳳勤於撫字民懷吏畏以積勞卒官李元度撰傳

方策字竹農閩縣人道光三年知來鳳縣聽訟如神遇疑獄片言立折一切奸弊皆無從生施南府志

王頌三字小華江西興國人道光己酉拔貢咸豐九年知來鳳縣十一年粵賊攻城援絕遂陷率家人彭元巷戰死之江西通志

吳觀樂字和庭閩縣人舉人嘉慶二十二年知咸豐縣日理訟牘

庭無畱獄革蠹役懲健訟舊染之俗一變文有典撰傳

李士高紹興人道光三年署咸豐縣蒞任痛革陋規豪猾吏悉斥去之惟一僕應門苞苴不通移署宣恩訟庭清寂如無人施南府志

王三錫泌陽人拔貢乾隆間任利川縣丞嘉慶初教匪陷城三錫集鄉勇往援戰於城下敗之賊閉壘自固時出鈔略三錫沿途設卡嚴防盡奪賊所掠而歸施南府志

陳春波侯官人進士知利川縣嘉慶元年教匪竄入縣境春波團練鄉勇擊匪於王家山黃泥坡等處連破之升荊州府同知施南府志

吳人彥字碩卿涇縣人道光時知利川縣設義倉二十五所積穀三千六百石有奇以備旱潦闔邑賴之施南府志

劉琪徵臨江人進士康熙四十六年知建始縣聽斷勤敏加意學校公餘招集諸生講論勸以實行士氣民風振然一新施南府志

志百二十二

職官十六傳

堯

武怡臨潼人舉人雍正九年知建始縣清廉愛民善政甚多在任十年勾歸舟至江中暴風作驚濤四起舟子請以特牲禱怡不許俄頃風止泊岸其妻以金釧投水默祈神佑者家人買魚剖魚腹金釧在焉莫不驚異謂神知其清廉而還之也施南府志

趙源生郢城人舉人乾隆時知建始縣敏於吏治嘉慶元年教匪犯境源生募義勇數百人直突賊營殺賊無算屢戰皆克捷縣境以寧後升荊州府同知施南府志

楊兆杏字晴園黔陽人舉人嘉慶十七年知建始縣邑自兵燹後書院荒廢兆杏修復之捐助院中膏火又修南門外大橋民多溺女作文勸之歷署宣恩利川恩施等縣施南府志

補遺

周樂字

善化人舉人咸豐中佐胡文忠籌餉沙市總樵牙釐

川鹽諸稅鹽商以巨賄請開總行厲辭斥之並申請永禁壟斷商
吏畏服餉源遂裕文忠深倚之遂成殄寇之功官荊州同知收服
劇盜曹立全用弭八縣匪患立義順營於荊江以衛行旅擢權漢
陽府免墨水湖苛稅還前官所奪民田再權荊州府整土稅以固
堤工懲奸胥以清庫款兩郡民感之保升道員坐辦糧臺秉公支
放譁變潛消告歸

采訪
冊